

四庫全書

史部

欽定四庫全書

皇王大紀卷三十二

宋 胡宏 撰

三王紀

幽王

六年衛侯和入為卿士小雅六十六篇曰賓之初筵五章章十四句衛武公刺時也幽王荒廢媒近小人飲酒無度天下化之君臣上下沉湎淫佚武公既入而作是詩也賓之初筵左右秩秩

肅敬也

籩豆有楚

列貌

穀

豆實也

核

加蓬也維旅陳也酒既和旨飲酒孔偕鐘鼓既設舉醕逸逸

往來次序也大侯既抗也舉也弓矢斯張射夫既同獻爾發功發

彼有的以祈爾爵舞笙鼓也乘而舞與樂既和奏烝

衎烈祖以洽百禮百禮既至有士大也有林君也錫爾純大也

嘏福也子孫其湛其湛曰樂各奏爾能賓載手仇室人入

又鄭公仇讀曰斟賓手挹酌彼康爵酒所以安體也以奏爾時

時謂心所尊者也賓之初筵溫溫其恭其未醉止威儀反反言重

順也曰既醉止威儀幡幡失威也舍其坐遷屢舞僊僊其未

醉止威儀抑抑

慎密也

曰既醉止威儀忸忸

媒媿也

是曰既

醉不知其秩

常也

賓既醉止載號載呶亂我籩豆屢舞儼

儼

不正也

是曰既醉不知其郵

過也

側弁之俄屢舞僊僊

不止

也

既醉而出並受其福醉而不出是謂伐德飲酒孔嘉

維其令儀凡此飲酒或醉或否既立之監或佐之史彼

醉不臧不醉反恥式勿從謂無俾大怠匪言勿言匪由

勿語由醉之言俾出童羖

羖羊不童也

三爵

獻也酬也

不識矧

敢多又小雅六十七篇曰魚藻三章章四句刺幽王也

言萬物失其性王居鎬京將不能以自樂故君子思古

之武王焉魚在在藻有頌其首

頌大首貌魚以依藻爲得其性

王在

在鎬豈樂飲酒魚在在藻有莘

長貌

其尾王在在鎬飲酒

樂豈魚在在藻依于其蒲王在在鎬有那

鄭云安也

其居小

雅六十八篇曰采菽五章章八句刺幽王也侮慢諸侯

來朝不能錫命以禮數徵會之而無信義君子見微而

思古焉采菽采菽

大豆也采菽之苗所以芼太牢羊則苦豕則薇

筐之筥之君

子來朝何錫予之雖無予之路車乘馬又何予之玄衮

及黼威沸

泉出貌

檻

泉正出也

泉言采其芹君子來朝言觀其

旂其旂淠淠

動也

鸞聲嘒嘒

中節也

載駟載駟

駟來東四馬

君子

所屆赤芾在股

芾太古象也在冕服謂之蔽膝之芾在他服謂之韠

邪幅在下

如今

行膝也偏束其脛自足至膝故曰在下

彼交匪紓天子所予樂只君子天

子命之樂只君子福祿申之維柞之枝其葉蓬蓬

盛貌樂

只君子殿

鎮也

天子之邦樂只君子萬福攸同平平

辨治也

左右亦是率從汎汎揚舟紉

紉纜也

維之樂只君子天

子葵

揆也

之樂只君子福祿脫之

厚也

優哉游哉亦是戾矣

也至小雅六十九篇曰角弓八章章四句父兄刺幽王也不

親九族而好讒佞骨肉相怨故作是詩也駢駢調和也角弓

翩其反矣

不善繼繫巧用則翩然而反

兄弟婚姻無胥遠矣爾之遠矣

民胥然矣爾之教矣民胥效矣此令兄弟綽綽有裕饒也不

令兄弟交相為瘡病也民之無良相怨一方受爵不讓至于

已斯亡

爵祿不以相讓故怨禍及之

老馬反為駒不顧其後

已老而孩童慢之

如食宜餽

飽也

如酌孔取

謂宜量其多少

母教孫

後類

升木如塗

泥也

塗

附著也君子有徽

美也

猷小人與屬

連也從也

雨雪漙漙見覲

日氣

曰

消莫肯下遺式居婁驕雨雪浮浮見覲曰流如蠻如髦我

是用憂小雅七十篇曰苑柳三章章六句刺幽王也暴虐

無親而刑罰不中諸侯皆不欲朝言王者之不可朝事也

有苑者柳不尚息焉上帝甚蹈動也無自暱近也焉俾予靖治也

之後予極窮也焉有苑者柳不尚愒焉上帝甚蹈無自瘵焉

俾予靖之後予邁行也焉有鳥高飛亦傳于天彼人之心于

何其臻曷予靖之居以凶矜危也小雅七十一篇曰都人士

五章章六句周人刺衣服無常也古者長民衣服不貳從

容有常以齊其民則民德歸壹傷今不復見古人也彼都

君之所居曰都

人士狐裘黃黃其容不改出言有章行歸于周

忠信

也萬民所望彼都人士臺笠緇撮

以臺皮為笠所以禦雨撮以緇布為冠也彼

君子女綢直如髮

言其情密緻正直也

我不見兮我心不說彼都人

士克耳琇

美石也

實彼君子女謂之尹

尹氏

吉

姑氏名族

我不見兮

我心苑結彼都人士垂帶而厲

厲帶之垂者

彼君子女卷髮如

蠶

髮末卷然

我不見兮言從之邁匪衣垂之帶則有餘匪伊卷

之髮則有旃

揚也

我不見兮云何吁矣

病也思望之甚也

小雅七十

二篇曰采綠四章章四句刺怨曠也幽王之時多怨曠

者也終朝

自旦及食時

采綠不盈一朶

兩手也

予髮曲局

卷也

薄

言歸沐

婦人夫不在則不容飾

終朝采藍不盈一襜

衣蔽前也

五日為

期六日不詹

至也

之子于狩言張其弓之子于釣言綸之

繩其釣維何維魴及鱖維魴及鱖薄言觀者小雅七十

二篇曰黍苗五章章四句刺幽王也不能膏潤天下卿

士不能行召伯之職焉芄芃

長大也

黍苗陰雨膏之悠悠

南行召伯勞之我任

負者

我輦

執者

我車

將車也

我牛

牽傍牛者

我

行既集蓋云歸哉我徒

徒行者

我御

御車者

我師

師者

我旅

旅者

我行既集蓋云歸處肅肅謝

邑名

功召伯營之烈烈征師

召伯成之原隰既平

上治曰平

泉流既清

水治曰清

召伯有成王

心載寧小雅七十四篇曰隰桑四章章四句刺幽王也

小人在位君子在野思見君子盡心以事之隰桑有阿

阿美然貌

其葉有難

難然

既見君子其樂如何隰桑有阿其

葉有沃

光澤也

既見君子云何不樂隰桑有阿其葉有幽

濃色黑也

既見君子德音孔膠

固也

心乎愛矣遐不謂矣中心

藏之何日忘之小雅七十五篇曰白華八章章四句周

人刺幽王也幽王以嬖寵立褒姒而黜申后故下國化

之以妾為妻以孽代宗而王弗能治周人為之作是詩

也白華管兮

白華於野已漚為管

白茅束兮之子之遠俾我獨兮

英英白雲露彼管茅天步艱難之子不猶

可也國也

漉漉池

北流

豐鎬間水

浸彼稻田嘯歌傷懷念彼碩人樵彼桑薪印

也烘

燎也

于煨

煨竈也用以煇事物

維彼碩人實勞我心鼓鐘于宮

聲聞于外念子惓惓

誠心不寧貌

視我邁邁

棄遠之意

有鷺在梁

禿鷲貪惡

有鶴在林

鶴清高反在林

維彼碩人實勞我心鴛鴦在梁

戢其左翼

鳥之雌雄不可別者以翼右掩左為雄左掩右為雌

之子無良二三其

德有扁斯石

扁乘石貌王乘車履石

履之卑兮之子之遠俾我底

兮

病也

小雅七十六篇曰綿蠻三章章八句微臣刺亂也

大臣不用仁心遺忘微賤不肯飲食教載之故作是詩

也綿蠻

小鳥貌

黃鳥止于丘阿

曲阿也

道之云遠我勞如何

飲之食之教之誨之命彼後車謂之載之緜蠻黃鳥止

于丘隅豈敢憚行畏不能趨飲之食之教之誨之命彼

後車謂之載之綿蠻黃鳥止于丘側豈敢憚行畏不能
極飲之食之教之誨之命彼後車謂之載之小雅七十
七篇曰瓠葉四章章四句大夫刺幽王也上棄禮而不
能行雖有牲牢饗餼不肯用也故思古人不以輕薄廢
禮幡幡匏葉采之亨之君子有酒酌言嘗之有兔斯首
炮之燔之君子有酒酌言獻之有兔斯首燔之炙之君
子有酒酌言酢之有兔斯首燔之炮之君子有酒酌言
醕之小雅七十八篇曰漸漸之石三章章六句下國刺

幽王也戎狄叛之荆舒不至乃命將征後久病于外故

作是詩也漸漸

山石高峻貌

之石維其高矣山川悠遠維其

勞矣武人

將帥

東征不皇朝矣漸漸之石維其卒

山巔也竟也

矣山川悠遠曷其沒

也盡

矣武人東征不皇出矣有豕白

蹄烝涉波矣

白蹄豕之尤躁疾唐突難禁制者將久雨則進涉水波

月離于畢俾

滂沱矣

月離陰星則雨

武人東征不皇他矣小雅七十九篇曰

蒼之華三章章四句大夫閔時也幽王之時西戎東夷

交侵中國師旅並起因之以饑饉君子閔周室之將亡

傷已逢之故作是詩也苕之華芸其黃矣

陵苕也將落則黃

心

之憂矣維其傷矣苕之華其葉青青

華落葉青青然

知我如此

不如無生牂

牂也

羊墳

大也

首三星

心也

在罍

曲梁也

心星見於曲梁其去須

史

人_矣可以食鮮可以飽小雅終八十篇曰何草不黃四

章章四句下國刺幽王也四夷交侵中國背叛用兵不

息視民如禽獸君子憂之故作是詩也何草不黃何日

不行何人不將

言無不從後之人

經營四方何草不玄何人不

矜哀我征夫獨為匪民匪兕匪虎率彼曠野哀我征夫

朝夕不暇有芄者狐

小獸貌

率彼幽草有棧之車

後車也

行

彼周道八年鄭伯友入為司寇以王室傾危懼及於難
問計於史伯史伯曰王室已卑戎狄必昌不可偪也鄭
居濟洛河潁之會若脩典刑以守之可以少固公曰周
其弊乎對曰王棄高明昭顯而好讒匿暗昧惡角犀豐
盈而近頑童窮固去和而取同夫和實生物同則不繼
故先王雜五行以成物節五味以調口劑四肢以衛體
和六律以聰耳正七體以役心平八索以成人建九紀

以立純德合十數以訓百體出千品具萬方計億事裁
兆物收經入行姦極和之至也聲一無聽物一無文味
一無菓物一不講王棄是類也而與剽同欲無弊得乎
鄆墟在禹貢豫州外方之北滎波之南居溱洧之間祝
融之後妘姓封於鄆檜國風首篇曰羔裘三章章四句
大夫以道去其君也三諫不從待放於郊得玦乃去國小而迫君不用
道好潔其衣服逍遙遊燕而不能自強於政治故作是
詩也羔裘逍遙狐裘以朝羔裘以遊燕狐裘以適朝豈不爾思勞心

忉忉羔裘翱翔孤裘在堂

公堂也

豈不爾思我心憂傷羔

裘如膏日出有曜豈不爾思中心是悼檜國風二篇曰

素冠三章章三句刺時不能三年也庶見素冠兮棘

棘難

也人樂樂

痛貌

兮勞心博博

憂勞也

兮庶見素衣兮我心傷

悲兮聊與子同歸兮

願見有禮之人與之同歸

庶見素韞兮我心蘊

結兮聊與子如一兮

過之者俯而就不至者企而及

檜國風三篇曰隰

有萋楚三章章四句疾恣也國人疾其君之淫恣而思

無情慙者也隰有萋楚

鉞也

猗儺

柔順也

其枝天之沃沃

少壯佼好也

樂子之無知隰有萋楚猗儺其華夭之沃沃樂

子之無家隰有萋楚猗儺其實夭之沃沃樂子之無室

鄆國風終四篇曰匪風三章章四句思周道也國小政

亂憂及禍難而思周道焉匪風發兮匪車偈兮

風發發非有

道之風偈偈疾驅非有道之車

顧瞻周道中心怛

傷也

兮匪風飄

疾也

兮匪

車嘌兮

無節度也

顧瞻周道中心弔

傷也

兮誰能烹魚漑

漑也

之

釜鬻

鬻釜屬言不可攪動也煩則魚碎矣

誰將西歸懷之好音大雅三十

篇曰瞻卬凡伯刺幽王大壞也瞻仰昊天

斥王也

則不我

惠孔填

也久

不寧降此大厲

也惡

邦靡有定士民其瘵

也病

賊蟲疾靡有夷

也常

屆

也極

罪罟不收

也設

罪

靡有夷瘳

也愈

人

有土田女反有之人有民人女覆奪之此宜無罪女反

收

也拘

之彼宜有罪女覆說

也救

之哲夫成城哲婦傾城懿

厥哲婦為裊為鵠婦有長舌維厲之階亂匪降自天生

自婦人匪教匪誨時維婦寺

也近

鞠

也窮

人忮

也害

忒

也變

譖始

竟背豈曰不極伊胡為慝如賈三倍君子是識

有賈物而

三倍

之利者小婦無公事休其蠶織

婦人不宜與

公事者也

天何以刺

責也何神不富福也舍爾介甲狄也維予胥忌而忌賢者不弔

不祥心不慈祥威儀不類動無法度人之云亡邦國殄瘁天之降

罔維其優矣寬也大也人之云亡心之憂矣天之降罔維其

幾微也近也矣人之云亡心之悲矣感沸檻泉維其深矣心

之憂矣寧自今矣不自我先不自我後藐藐昊天無不

克輦國也無忝皇祖式救爾後大雅終三十一篇曰召旻

凡伯刺幽王大壞也旻閔也閔天下無如召公之臣也旻

天疾威天篤降喪瘕我饑饉民卒流亡我居圉垂也卒荒

天降罪罟蟲賊內訌

清也

昏椓

奄人也

靡共潰潰

亂也邪也

回遹

行也達也

實靖夷

滅也

我邦臯臯

頑不知道也

訛訛

森不供事也

曾不知

其玷

缺也

兢兢

戒也

業業

危也

孔填不寧

我位孔貶

墜也

如彼歲

旱草不潰茂

遂也

如彼棲苴

浮草水中

我相此邦無不潰止維

昔之富不如時

往者富仁賢今也富譏佞

維今之疚不如茲

今則病賢也

彼疏斯粝

宜食疏者反食精

胡不自替職況

茲也

斯引

長也

池之竭

矣不云自頻

厓也

泉之竭矣不云自中溥斯害矣職兄斯

弘不裁我躬昔先王受命有如召公日辟國百里今也

日感國百里於乎哀哉維今之人不尚有舊時犬戎盛
強荐侵王都始為烽燧以徵兵備不虞王寵褒姒甚褒
姒不好笑王欲其笑萬方故不笑則試令舉烽兵甲四
集而實無寇褒姒乃大笑王謹樂之於是為數舉烽遠
近無所取信

十一年王遊驪山犬戎猝至王急舉烽莫有應者戎殺
王于戲虜褒姒立伯服為王鄭伯友戰死秦襄公聞之
帥師救之力戰稍破戎兵衛侯和從晉侯仇合諸侯之

師擊逐西戎黜伯服鄭世子掘突收父散兵從諸侯東迎太子宜臼於申太子使命秦襄公曰戎無道侵奪我岐豐秦能攻逐戎即有其地

平王

元年太子至洛邑即天子位遂定都焉謚先王曰幽錫晉文侯作文侯之命周書叙曰平王錫晉文侯秬鬯圭瓚作文侯之命文侯之命王若曰父義和不顯文武克慎明德昭升于上數聞在下惟時上帝集厥命于文王

亦惟先正克左右昭事厥辟越小大謀猷罔不率從肆
先祖懷在位嗚呼閔予小子嗣造天丕愆殄資澤于下
民侵戎我國家純即我御事罔或者壽俊在厥服予則
罔克曰惟祖惟父其伊恤朕躬嗚呼有績予一人永綏
在位父義和汝克昭乃顯祖汝肇刑文武用會紹乃辟
追孝于前文人汝多修扞我于艱若汝予嘉王曰父義
和其歸視爾師寧爾邦用賚爾秬鬯一卣彤弓一彤矢
百盧弓一盧矢百馬四匹父往哉柔遠能爾惠康小民

無荒寧簡恤爾都用成爾顯德賜以河內附庸晉於是始大

論曰幽王無道雖天下所不與其見殺於犬戎則天下所不忍而平王乃其子也所宜卧薪嘗膽養民訓兵帥天下諸侯披其巢穴誅其種類復居鎬京繼迹文武成康盖前人之愆則可謂人子矣愚觀其命秦晉之詞語平而不切志舒而不慘忘不共戴天之仇輕棄舊都以西事委

之於秦而即安於洛邑亡三綱矣孔子定書而
取文侯之命何哉平王雖不自飭勵而晉侯不
失蕃宣之道逐西戎黜伯服扶立冢嗣定都成
周號令天下莫敢不從使平王稍有仁心義氣
而輔以晉文衛武則周室中興矣聖人心廣道
大權輕重不失毫釐是以深取晉文而於平王
猶有望也及其末年急情放縱不可救藥日以
衰微名號雖存其實與杞宋等矣聖人據事實

本天道而作春秋固非衆人之所識也

秦襄公乘勝取岐豐之地王命賜秦爵為伯秦國風五篇曰終南二章章六句戒襄公也能取周地始為諸侯受顯服大夫美之故作是詩以戒勸之終南何有有條

有梅

條梅梅也

君子至止錦衣狐裘顏如渥丹其君也哉

終南何有有紀有堂

紀基堂畢道平

君子至止黻衣繡裳佩玉

將將壽考不忘衛侯和留周輔政時年九十有五矣克勤不怠在輿有虎賁之規位宁有官師之典倚几有誦

訓之諫居處有褻御之箴臨事有瞽史之導宴居有工

師之誦史不失書瞽不失誦衛國風首篇曰淇澳三章

章九句美武公之德也有文章又能聽其規諫以禮自

防故能入相于周美而作是詩也瞻彼淇奧腰綠竹猗

猗有匪文章貌君子如切如磋如琢如磨治骨曰切象曰磋玉曰琢石曰

磨瑟兮僖兮矜莊寬大也赫兮喧兮德容赫赫宣著也有匪君子終

不可諼也忘也兮瞻彼淇奧綠竹青青有匪君子充耳琇瑩

琇瑩美石會弁如星會謂弁之縫中飾之以玉璫璫如星瑟兮僖兮赫兮喧兮

有匪君子終不可諼兮瞻彼淇奧綠竹如簣

茂密也

有匪

君子如金如錫如圭如璧寬兮綽兮猗重較

卿士之車也

兮

善戲謔兮不為虐兮居無何衛侯以老歸國謚鄭伯友

曰桓公召掘突入為司徒鄭國風首篇曰緇衣三章章

四句美武公也父子並為周司徒善於其職國人宜之

故美其德以明有國善善之功焉緇衣

毛云卿士聽朝正服鄭云居私

朝之服

之宜兮敝予又改為兮適子之館兮還予授子之

粲

餐也

兮緇衣之好兮敝予又改造兮適子之館兮還予

授子之粲兮緇衣之席

大也

兮敝予又改作兮適子之館

兮還予授子之粲兮

二年秦自以居西垂立西時用騶駒黃牛羝羊各一祠
白帝魯侯稱堯謚曰孝公子弗湟嗣

四年甲戌東虢公都于制恃其地勢驕侈怠慢鄭人并
其地鄆仲恃險國家荒亂鄭人滅之鄭伯欲伐胡以其
子妻之問羣臣曰吾欲用兵誰可伐者闢其思曰胡可
鄭伯曰胡兄弟之國也遂戮其思胡君聞之以鄭為親

已不設備鄭伯襲取之

五年秦襄公伐西戎無虛歲是歲出師至岐薨子文公

嗣

九年秦文公東獵至汧渭之會曰吾先邑也即營居之

十三年衛侯和薨國人謂之睿聖武公子揚嗣衛國風

二篇曰考槃三章章四句刺莊公也不能繼先公之業

使賢者退而窮處考

成也

槃

樂也

在澗

山水

碩人

夫

之寬

獨寐

寤

歌

寤言永矢弗諼考槃在阿

曲陵

碩人

之邁

寬大

獨寐

寤歌

永矢弗過考槃在陸碩人之軸

進立凝重也

獨寐寤宿永矢

弗告

十四年甲申王國風首篇曰黍離三章章十句閔宗周也周大夫行役至于宗周過故宗廟宮室盡為禾黍閔周室之顛覆彷徨不忍去而作是詩也彼黍離離彼稷之苗行邁靡靡中心搖搖知我者謂我心憂不知我者謂我何求悠悠蒼天此何人哉彼黍離離彼稷之穗行邁靡靡中心如醉知我者謂我心憂不知我者謂我何

求悠悠蒼天此何人哉彼黍離離彼稷之實行邁靡靡
中心如噎知我者謂我心憂不知我者謂我何求悠悠

蒼天此何人哉王國風二篇曰君子于役二章章八句

刺平王也君子行役無期度大夫思其危難以風焉君

子于役不知其期曷至哉鷄棲于埘

塹墻曰埘

日之夕矣羊

牛下來君子于役如之何勿思君子于役不日不月曷

其有佸

會期也

鷄棲于桀

棲桀為桀

日之夕矣羊牛下括

聚也

君

子于役苟無饑渴王國風三篇曰君子陽陽二章章四

句閔君子也君子遭亂相招為祿仕全身遠害而已君

子陽陽

若自得者

左執簧

篋也

右招我由房

國君有房中之樂

其樂只

且

其自樂此而已

君子陶陶

和樂也

左執翫

蘇也

右招我由教

燕遊也

其樂只且王國風四篇曰揚之水三章章六句刺平王

也不撫其民而遠屯戍于母家周人怨思焉揚

激揚也

之

水不流束薪彼其之子不與我戍申懷哉懷哉曷月予

還歸哉揚之水不流束楚彼其之子不與我戍甫懷哉

懷哉曷月予還歸哉揚之水不流束蒲彼其之子不與

我戍許懷哉懷哉曷月予還歸哉王國風五篇曰中谷

有推三章章六句閔周也夫婦日以衰薄凶年饑饉室

家相棄爾中谷有推暵

荇

其乾矣

推生於陸而生於谷
乍乾乍濕則稿矣

有女仳

別也

離嘒其嘆矣嘒其嘆矣

遇人之艱難矣中谷

有推暵其脩

乾硬也

矣有女仳離條其欬矣

意脩條而悲欬

條其

欬矣遇人之不淑矣中谷有推暵其濕矣

乾得濕則腐矣

有女

仳離嘒其泣矣嘒其泣矣何嗟及矣王國風七篇曰葛

藟三章章六句王族刺平王也周室道衰棄其九族焉

縣縣

長延之貌

葛藟在河之汭水厓終遠兄弟謂他人父謂他

人父亦莫我顧縣縣葛藟在河之汭

亦厓也

終遠兄弟謂

他人母謂他人母亦莫我有縣縣葛藟在河之漘

水隈也

終遠兄弟謂他人昆

兄也

謂他人昆亦莫我聞荆季紉四

世孫蚡冒立綱紀庶事筮路藍縷以啟四封蠻夷皆服

十五年秦文公夢黃蛇自天屬地其口止於酈時遂作

酈時用三牲祠白帝而雍旁故有吳陽武時雍東有好

時皆廢無祠或曰雍州積高神明之隩故立時郊上帝

黃帝嘗用事雖晚周亦郊焉

十八年秦初有史以紀事

二十一年秦文公伐戎戎兵敗散文公遂有周地

二十二年宋公鮒之曾孫戴公戴公之世弗父何之孫

正考父補禮樂之廢壞得商頌十二篇於周之太師是

歲戴公之子司空薨諡曰武公子力嗣

皇王大紀卷三十二

欽定四庫全書

史部

皇王大紀卷三十三

六至

詳校官編修目范來宗

刑部郎中臣許兆椿覆勘

總校官原任中允臣王燕緒

校對官助教臣黃昌禔

謄錄監生臣胡觀瀾

欽定四庫全書

皇王大紀卷三十三

宋 胡宏 撰

三王紀

平王

二十四年甲午衛侯夫人齊姜無子娶陳媯生子完姜氏子之嬖妾生子州吁衛國風三篇曰碩人四章章七句閔莊姜也莊公惑於嬖妾使驕上僭莊姜賢而不見答終以無子國人閔而憂之碩也大人其碩也長衣錦褰衣

謔也禪也加錦衣之上嫌其文之太著也

齊侯之子衛侯之妻東宮之妹邢

侯之姨譚公維私

姊妹之夫曰私

手如柔荑

如新生之美

膚如凝脂

領如蝤蛴齒如瓠犀螭首

廣而方

蛾眉巧笑倩兮美目盼

兮碩人敖敖

長貌暫息也

于農郊

近郊

四牡有驕

壯貌

朱幘

馬扇

汗鑣鑣

馬銜

翟第

以山堆為車蔽

以朝大夫夙退無使君勞河水

洋洋

威貌

北流活活

流貌

施眾濊濊

魚呿施於水中

鱣鮪發發

多貌

葭

蘆也蒹揭揭

長也

庶姜孽孽

威貌

庶士有暵

武壯貌

邶國風二

篇曰綠衣四章章四句衛莊姜傷已也妾上僭夫人失

位而作是詩也綠兮衣兮綠衣黃裏

綠間色黃正色

心之憂矣

曷維其已綠兮衣兮綠衣黃裳心之憂矣曷維其亡綠

兮絲兮汝所治兮我思古人俾無訖

過也

兮絺兮綌兮淒

其以風我思古人實獲我心

二十五年晉侯仇薨是為文侯子伯嗣是為昭公自絳

徙都冀唐國風二篇曰山有樞三章章八句刺晉昭公

也不能修道以正其國有財不能用有鐘鼓不能以自

樂有朝廷不能洒掃政荒民散將以危亡四鄰謀取其

國家而不知國人作詩以刺之也山有樞隰有榆子有

衣裳弗曳弗婁

亦曳也

子有車馬弗馳弗驅宛

宛宛貌

其死矣

他人是愉

樂也

山有栲隰有杻子有廷內弗洒弗掃子有

鐘鼓弗鼓弗考宛其死矣他人是保

安也

山有漆隰有栗

子有酒食何不日鼓瑟且以喜樂且以永日宛其死矣

他人入室秦初制三族之法

二十六年晉侯伯封其叔父成師于曲沃使靖侯之孫

欒賁傅之師服曰古者天子建國諸侯立家大夫有貳

宗士有隸子弟等衰如是是以能固今晉甸侯也而建
國本既弱矣其能久乎唐國風三篇曰揚之水三章二
章章六句一章四句刺晉昭公也昭公分國以封沃沃
盛強昭公微弱國人將叛而歸沃焉揚之水白石鑿鑿
素衣朱襮從子於沃既見君子云何不樂揚之水白石
皓皓素衣朱繡從子于鵠曲沃邑既見君子云何其憂揚
之水白石粼粼我聞有命不敢以告人

二十七年鄭伯掘突薨諡曰武公武公娶于申曰武姜

生寤生及叔段姜氏愛段欲立之公弗許寤生嗣是為莊公

二十八年武姜請封段于制公曰制巖邑也虢叔死焉他邑唯命請京使居之祭封人仲足諫曰都城過百雉國之害也先王之制大都不過三國之一中五之一小九之一今京不度非制也君將不堪公曰姜氏欲之焉辟害對曰姜氏何厭之有不如早為之所無使滋蔓蔓難圖也蔓草猶不可除況君之寵弟乎公曰多行不義

必自斃鄭國風二篇曰將仲子三章章八句刺莊公也不
勝其母以害其弟弟叔失道而公弗制祭仲諫而弗聽小
不忍以致大亂焉將

請也

仲子兮無踰我里無折我樹杞豈

敢愛之畏我父母仲可懷也父母之言亦可畏也將仲子
兮無踰我牆無折我樹桑豈敢愛之畏我諸兄仲可懷也
諸兄之言亦可畏也將仲子兮無踰我園無折我樹檀豈
敢愛之畏人之多言仲可懷也人之多言亦可畏也鄭國
風三篇曰叔于田三章章五句刺莊公也叔處于京繕甲

治兵以出於田國人說而歸之叔于田巷無居人豈無居人不如叔也洵美且仁叔于狩巷無飲酒豈無飲酒不如叔也洵美且好叔適野巷無服馬豈無服馬不如叔也洵美且武鄭國風四篇曰大叔于田三章章十句刺莊公也叔多才而好勇不義而得衆也叔于田乘乘馬執轡如組

兩驂如舞叔在藪火烈具舉禮褻

肉袒也

暴虎

空手搏之也

獻于

公所將叔無狃

習也復也

戒其傷女叔于田乘乘黃

四馬皆黃

兩服

中央夾

上襄

最良也

兩驂

在兩傍者

鴈行叔在藪火烈具揚叔善

射忌

忌辭也

又良御忌抑磬

也

控忌抑縱

發矢也

送

從禽也

忌叔

于田乘乘鵠

騷白鵠毛曰鵠

兩服齊首兩驂如手叔在數火烈具

阜

盛也

叔馬慢忌叔發罕忌抑釋捌

覆矢者

忌抑鬯弓

茂之也

忌

三十年荆蚡冒薨弟熊通殺其世子而自立秦文公獲

若石云于陳倉北阪城以一牢祠之命曰陳寶

三十一年曲沃成師能修其政唐國風四篇曰椒聊二章

章六句刺晉昭公也君子見沃之盛彊能修其政知其

蕃衍盛大子孫將有晉國焉椒聊

野椒也

之實蕃衍盈升

彼其之子碩大無朋椒聊且遠

長也

條且椒聊之實蕃衍

盈剝彼其之子碩大且篤椒聊且遠條且晉大夫潘父

弑其君伯謚曰昭公將納成師晉人殺潘父立昭公弟

平國內亂唐國風五篇曰綢繆三章章六句刺晉亂也

國亂則婚姻不得其時焉綢繆束薪三星在天

謂始見東方嫁

娶之時也

今夕何夕見此良人子兮子兮如此良人何綢繆

束芻三星在隅

東南也

今夕何夕見此邂逅子兮子兮如

此邂逅何綢繆束楚三星在戶

正南也

今夕何夕見此粲

三女者子兮子兮如此粲者何
為粲

三十四年甲辰

三十六年衛侯楊薨謚曰莊公子完嗣是為桓公初莊公寵州吁好兵公弗禁大夫石碏諫曰臣聞愛子教之義方弗納於邪驕奢淫佚所自邪也四者之來寵祿過也夫寵而不驕驕而能降降而不憾憾而能矜者鮮矣弗聽其子厚與州吁游禁之不可及桓公立而老

三十九年晉曲沃成師卒是為桓叔子緡代唐國風六

篇曰杜杜二章章九句刺時也君不能親其宗族骨肉

離散獨居而無兄弟將為沃所并爾有杜特之杜赤其

葉滑滑枝葉不相比獨行踽踽無所親也豈無他人不如我同父

嗟行之人胡不比焉人無兄弟胡不飲也焉有杜之杜

其葉菁菁希少貌獨行眾眾無所依也豈無他人不如我同姓

嗟行之人胡不比焉人無兄弟胡不飲焉唐國風七篇

曰羔裘二章章四句刺時也晉人刺其在位不恤其民

也羔裘豹祛卿大夫之服也自由我人居居安居也豈無他人維

子之故羔裘豹褰自我人究究

盡心
力也

豈無他人維子之

好

四十年齊侯祿父立文侯赤之孫也

四十一年宋公舍其子與夷以國讓其弟和宋公薨諡
曰宣公和即位大夫正考父佐戴武宣三命茲益恭其
鼎銘曰一命而僂再命而偃三命而俯循牆而走亦莫
余敢侮饁於是粥於是以餬其口鄭伯伐魯魯公子息
姑逆戰於狐壤鄭人獲之以歸囚諸尹氏息姑賂尹氏

而禱於其主鍾巫遂與尹氏歸而立其主

四十四年甲寅鄭大叔命西鄙北鄙貳於己公子呂曰國不堪貳君將若之何臣請除之無生民心公曰無庸將自及

四十七年曲沃緡人翼弑其君平謚曰孝公國人逐緡立孝公弟郯

四十八年宋師侵魯魯人敗之于黃魯侯元妃孟子卒繼室以聲子生息姑宋武公薨之年生女曰仲子手有

文曰為魯夫人故魯侯娶焉生子允而弗湟薨諡曰惠公孔子曰夏道尊命事鬼敬神而遠之近人而忠焉先祿而後威先賞而後罰親而不尊其民之敝瘵而愚喬而野朴而不文殷人尊神率民以事神先鬼而後禮先罰而後賞尊而不親其民之敝蕩而不靜勝而無恥周人尊禮尚施事鬼敬神而遠之近人而忠焉其賞罰用爵列親而不尊其民之敝利而巧文而不慙賊而蔽子曰夏道未瀆辭不求備不大望於民民未厭其親殷人

未瀆禮而求備於民周人強民未瀆神而賞爵刑罰窮
矣子曰虞夏之道寡怨於民殷周之道不勝其弊子曰
虞夏之質殷周之文至矣虞夏之文不勝其質殷周之
質不勝其文

四十九年冬魯公子息姑欲以位讓其弟允諸大夫不
可息姑乃即魯侯位魯侯求好於邾春正月與邾子盟
於蔑鄭大叔完聚繕甲兵具卒乘將襲鄭夫人將啟之
公聞其期曰可矣三月命公子呂帥車二百乘以伐京

京人叛段段入鄆鄭伯伐諸鄆大叔出奔共其子滑奔
衛鄭伯寘姜氏於城潁而誓之曰不及黃泉無相見也
既而悔之潁谷封人考叔聞之有獻於公公賜之食食
舍肉公問之對曰小人有母請以遺之公曰爾有母遺
緊我獨無潁考叔曰何謂也公語之故且告之悔對曰
君何患焉若闕地及泉隧而相見其誰曰不然公從之
母子如初王命鄭伯為卿士衛人為鄭公孫滑伐鄭取
廩延魯仲子之喪夏五月王使冢宰致賵魯侯求成於

宋秋七月盟于宿冬十月祭伯朝於魯魯大夫孝公之
子孟師卒至魯哀公之世孔子不復夢見周公於是按
魯史春秋斷自隱公元年筆則筆削則削而作春秋春

秋經曰元年春王正月

謂一為元者明人君之用也元即仁也仁人心也春秋深明其

用當自責者始故治國先正其心心正而後天下莫不
一於正冬而曰春者行夏之時也春天時正王月書時
又書月見天人一理而知王與天同大也加王於正者
公羊子曰大一統也天無二日土無二王家無二主尊
無二上道無二致政無二門而知天下定於一也魯隱
不書即位者內不承國於先君上不稟命于天子也首
絀隱公以明大法父子君臣之倫正矣何以始於魯隱
平王子母適冢正后親遭褒姒之難廢黜播遷而宗國

顛覆至是暮年又以天王之尊而賄諸侯寵妾人望絕矣春秋於此蓋有不得已焉故託始乎隱也

不書

即位

國君逾年改元必行告廟之禮國史主記時政必書即位之事而隱公閔焉是仲尼削之也古者諸

侯繼世襲封則內必有所承爵位土田受之天子則上必有所稟內不承國於先君上不稟命於天子諸侯大夫板已以立而遂立焉是與爭亂造端而篡弑所由起也春秋首黜隱公以明大法父子君臣之倫正矣

三

月公及邾儀父盟于蔑

魯侯爵而稱公此臣子之詞從周之文者也我所欲曰及邾附

庸儀父其君之字也王朝大夫例稱字列國之命大夫例稱字諸侯之兄弟例稱字中國之附庸例稱字然有例當稱字或熟而名例當稱人或進而書字者聖人之特筆也春秋大義公天下講信修睦至於刑牲要神非所貴也夏五月鄭伯克段于鄆

不稱國不稱將不稱師而專曰鄭伯者姜氏嘗欲立段矣

鄭伯恐其終將軋已為後患也故雖使至於亂然後以叛逆討之則國人不敵從姜氏不敢主而大叔屬藉當絕不可復居父母之邦此鄭伯之志也春秋誅其意以正人心垂訓之義大矣不書奔義不繫於奔也

秋

七月天王使宰咺來歸惠公仲子之賵

春秋創制繫王於天為萬世法

冢宰稱宰咺者名也王朝公卿書官大夫書字上士中士書名下士書人咺位六卿之長而名之何也以天王之尊下賵諸侯之妾咺為冢宰承命而行故特貶而書名或曰僖公之母成風亦莊公妾也其卒也王使榮叔歸舍且賵其葬也王使召伯來會葬而榮召書字何也前賵仲子則名冢宰後葬成風王不稱天其法嚴矣

九月及宋人盟于宿

內稱及外稱人皆微者其地以國宿亦與焉微者盟會不志於春秋

此其志者有宿國之君也凡書名者惡其屢盟不待會同私約不繇天子慢鬼神犯刑政以成傾危之習也

冬十有二月祭伯來

按左氏曰非王命也祭伯畿內諸侯為王卿士來朝于魯直書曰來

不與其私交杜朋黨之原為後世事君而有二心者之明戒也經於內臣朝聘告赴皆貶而不與正其本也

公子益師卒

凡公子公孫登名於史貴戚之卿也其稱公子以貴戚故使為卿也不書官者不請

於王而自命也卿卒必書此春秋貴大臣之意或書或不書著禮貌之差也不書葬明君臣之等也名而不書氏者身自為卿而非世也公子暈不書卒何也迷國誤朝躬行弑討之賊也公子遂書卒何也因事之變以明卿卒不繹之禮也季孫意如書卒何也春秋有變例定哀多微詞定公幸於禍而忘其讎誘於利而忘其辱以意如為大夫不討先君之賊也

五十年春魯侯與戎會於潛修惠公之好戎請盟魯侯

辭莒子取於向向姜不安莒而歸三月莒人入向以姜氏還魯司空無駭帥師入極戎復請盟夏六月庚辰魯侯與盟於唐秋七月紀侯使其大夫履緌逆夫人於魯八月魯伯姬歸於紀十月乙卯魯侯夫人子氏薨鄭人以王師虢師伐衛討廩延之師王將分政於虢公鄭伯怨王王曰無之於是與鄭交質經曰二年春公會戎於

潛

戎狄舉號外之也天子與天地參無不覆載王德之體也內中國而外四夷使之各安其所者王道之用

也是故親戎狄致金縢之奉是首顧居下也戎狄來朝位侯王之上是亂常失序也羌胡居塞內無出入之防

為猶夏之階也故馭戎之夏五月莒人入向無駭帥師

入極

以事言之入者造其國都以義言之入者逆而不

臣也擅興而非王命而八人國邑逞其私意見諸侯之不

義自

秋八月

庚辰

公及戎

盟於唐

春秋謹華夷之辨與

戎盟非義矣其書日

者謹之也後世如西漢結戎狄以許婚而配偶非其類

如唐肅宗約回紇以求援而華夏被其毒如德宗信吐

蕃以與盟而臣主蒙其恥雖悔於終

九月紀履緌來逆

亦將奚及春秋謹唐之盟垂戒遠矣

女冬十月伯姬歸于紀

非正也

夫婦人倫之本也故文

王為世子而親迎韓侯為諸侯而親迎入春秋之始名

宰咺歸賵書履緌逆女眾妾之分定矣大昏之禮嚴矣

宰咺歸賵書履緌逆女眾妾之分定矣大昏之禮嚴矣

紀子伯莒子盟于密

凡闕文有斷以大義削之而非闕者有本據舊史因之而不能益者

亦有先儒傳受承誤而不敢增者闕疑而慎言其餘可矣必曲為之說則鑿矣

十有二月乙卯

夫人子氏薨

殺梁子曰隱之妻也邦君之妻國人稱之曰小君卒則書薨以明齊也先卒而不書

葬以明順也夫婦人倫之本入春秋之始於子氏書薨不書葬明示大倫苟知其義則大夫婦婦而家道正矣

鄭人伐衛

凡兵聲罪致討曰伐潛師入境曰侵兩兵相接曰戰縶其城邑曰圍造其國都曰入徙其

朝市曰遷毀其宗廟社稷曰滅詭道而勝之曰敗悉虜而俘之曰取輕行而掩之曰襲已去而躡之曰追聚兵而守之曰戍以弱假強而能左右之曰以皆誌其事實以明輕重內兵書敗曰戰書滅曰取特婉其詞為君隱也征伐天子之大權今鄭無王命雖有言可執亦王法所禁況於修怨乎不書戰者衛已服也衛服則可免矣

此義施於伐而不
書戰皆可通矣

五十一年春正月庚戌王崩諡曰平王太子洩父蚤死
嫡孫林立將遂畀虢公政二月鄭祭足率師取溫之麥
王與鄭交惡君子曰信不由中質無益也明恕而行要
之以禮雖無有質誰能間之苟有明信澗谿沼沚之毛
蘋蘩藎藻之菜筐筥錡釜之器潢汙行潦之水可薦於
鬼神可羞於王公而況君子結二國之信行之以禮又
焉用質風有采蘩采蘋雅有行葦洞酌昭忠信也宋公

疾召大司馬孔父嘉曰先君舍與夷而立寡人寡人弗敢忘若得保首領以沒先君若問與夷其將何辭以對請子奉之以主社稷雖死亦毋悔焉對曰羣臣願奉馮也公曰不可先君以寡人為賢使主社稷若棄德不讓是廢先君之舉也豈曰能賢光昭先君之令德可不務乎吾子其無廢先君之功使馮出居于鄭嘉者正考父之子也夏六月庚辰宋公薨與夷即位冬十月齊侯鄭伯盟於石門尋盧之盟經曰三年春王二月己巳日有食之

經書日食三十六精歷算者所能攷其行有常度是災而非異矣然每食必書示後世治歷明時之法遇災而懼之意也克謹天戒則雖有象而無其應弗克畏天災咎之來必矣凡經所書者或妾婦乘其夫或臣子背君父或政權在臣下或外夷侵中國皆陽微陰盛之證而可忽乎

三月庚戌天王崩

崩者上墜

之形春秋歷十有三王桓襄匡簡景志崩志葬者赴告及魯往會之也平惠定靈志崩不志葬者赴告雖及魯不會也莊僖頃崩葬皆不志王室不告魯亦不往也諸侯為天王服斬衰禮當以所聞先後而奔喪今周人來計魯侯不往是無君也

夏四月辛卯尹氏卒

尹氏天子大夫世執

其罪不書而自見矣

朝權為周階亂者也因其告喪與立子朝以朝奔莒皆以氏書者志世卿非禮為後鑒也官不擇人世授之柄黨與既眾威福下移大姦根據而莫除人主孤立而無助國不亡幸爾春秋書尹氏武氏仍叔之子於魯書李

友仲遂皆志其非禮也公羊子此說必有所受矣

秋武氏子來求賻

武氏天子之大夫何

以不稱使古者天子崩嗣王諒陰百官總已以聽於冢宰三年非王命也以非王命而不稱使春秋之旨微矣於以謹天下之通喪而嚴君臣之名分也夫賻以貨財則生者所須索也君取於臣不言求而曰求賻求車求金皆著天王之失道也八月庚辰宋公和卒古者諸侯上失其道則下不臣矣八月庚辰宋公和卒之邦交問問殷聘而世相朝周制王哭諸侯則大宗伯為上相司服為王制總麻宰夫掌邦之弔事戒令與其幣器財用外諸侯卒國史承告而後書聖人皆存而弗削而天子待諸侯之義見矣卒而或日或不日者何謹則書日慢則書時其大致然也卒而或名或不名者何嘗會盟聘問則名可知不則雖使至告喪其名亦不可得而知矣諸侯曰薨而何以書卒周室東遷諸侯專國上不請命聖人奉天討以正王法特書曰卒貶黜之也冬十

有二月齊侯鄭伯盟于石門

外盟會常事也何以書在春秋之亂世常事也於聖

人之王法則非常也書而弗削者其諸以是為非常典而有志於天下為公之世乎

癸未葬宋穆

公

諸侯五月而葬同盟至周制有職喪掌諸侯之喪禮位其禁令序其事凡諸侯及諸臣葬於墓者則冢人

授之兆為之蹕而均其禁外諸侯葬其事則因魯會而書其義則聖人或存或削而天子待諸侯之義見矣卒而或葬或不葬者何有急於禮而不葬者有弱其君而不葬者無其事闕其文魯史之舊也有討其賊而不葬者宋殤齊昭告亂書弑矣而經不書葬有諱其辱而不葬者晉主夏盟在景公時告喪書日矣而經不書葬有治其罪而不葬者魯宋盟會未嘗不同而三世不葬有避其號而不葬者吳楚之君書卒者十有親送於西門之外者矣而經不書葬皆聖人所削春秋之法也

桓王

元年冬十二月戊申衛公子州吁弑其君而自立宋公魯侯將為會尋宿之盟未及期衛人來告亂遂遇于清宋公子馮在鄭鄭人欲納之衛州吁將修先君之怨於鄭而求寵於諸侯以和其民乃使人啖宋以伐鄭除公子馮之利宋人許之陳蔡方睦於衛州吁使公孫文仲帥師及宋公陳侯蔡人伐鄭邙國風三篇曰燕燕四章章六句衛莊姜送歸妾也燕燕于飛差池

張舒也

其羽之

子于歸

歸宗也

遠送于野

郊外曰野

瞻望弗及泣涕如雨燕燕

于飛頡之頡之

飛而上曰頡而下曰頡

之子于歸遠于將之

行也瞻仰

弗及佇立以泣

久立也

燕燕于飛下上其音之子于歸遠

送于南

陳在衛南

瞻望弗及實勞我心仲氏任之

大也

只其心塞

實淵也

終溫且惠

順也

淑慎其身先君之思以勗寡人

勉也

邶國風四篇曰日月四章章六句衛莊姜傷已也遭州

吁之難傷已不見答於先君以至窮困之詩也日居月

諸照臨下土

日乎月乎照臨之也

乃如之人兮逝

速也

不古

故也

處胡

也何能有定寧

也曾也

不我顧日居月諸下土是冒乃如之人

兮逝不相好

不及我以相好

胡能有定寧不我報日居月諸出

自東方

日始月盛皆出東方

乃如之人兮德音無良胡能有定俾

也可忘日居月諸東方自出父兮母兮畜我不卒胡能

有定報我不述

循也

邶國風五篇曰終風四章章四句衛

莊姜傷已也遭州吁之暴見侮慢而不能正也終風且

暴

終日風為終風

顧我則笑

侮之也

謔浪笑傲

言戲謔不敬

中心是悼

終風且霾

雨土也

惠然肯來莫往莫來

人無子道以來事已已亦不得以母

道往加之

悠悠我思終風且晡

陰而風曰晡

不日有晡寤言不寐

願言則嚏

也路

嚏嚏其陰

如常陰嚏然

虺虺其雷寤言不寐願

言則懷

也傷

邶國風六篇曰擊鼓五章章四句怨州吁也

衛州吁用兵暴亂使公孫文仲將而平陳與宋國人怨

其勇而無禮也擊鼓其鐘踴躍用兵

鐘然擊鼓聲也

土國城漕

我獨南行

漕衛邑也

從孫子仲平陳與宋不我以歸憂心有

忡爰居爰處爰喪其馬于以求之于林之下死生契濶

與子成說

契濶數也說數也

執子之手與子偕老

偕俱也

于嗟濶

兮不我活兮于嗟洵兮不我信兮

洵達信極也

宋公使乞師

於魯侯問於衆仲曰州吁其成乎對曰臣聞以德和民不聞以亂以亂猶治絲而棼之也夫州吁阻兵而安忍阻兵無衆安忍無親衆叛親離難以濟矣夫兵猶火也弗戢將自焚也公辭之公子翬請以師會之公弗許固請而行遂會諸侯敗鄭徒兵圍其東門五日而還州吁未能和其民厚問定君於石子石子曰王覲為可陳侯方有寵於王陳衛方睦若朝陳使請必可得也厚從州

吁如陳石碣使告于陳曰衛國褊小老夫耄矣無能為也此二人者實弑寡君敢即圖之陳人執之而請蒞于衛衛人使右宰醜蒞殺州吁于濮石碣使其宰孺羊肩蒞殺石厚于陳謚其君曰桓公衛人逆桓公之弟晉於邢冬十月公子晉即位經曰四年春王二月莒人伐杞取牟婁

聲罪伐人而強奪其土故特書曰取以著其惡聖王不作諸侯放恣有取其故地如僖公之取

濟西成公之取汝陽亦書曰取何也苟不請於天王以正疆理而擅兵爭奪雖取本邑與奪人之有者無以異春秋之義不以亂易亂故亦書曰取正其本也戊申衛州吁弑其君完

此衛公子州吁

也而削其屬籍特以國氏者罪莊公不待以
公子之道使預聞政事主兵權而當國也
夏公及宋

公遇于清

古者有遇禮不期而會以明造次亦有恭肅之心春秋書遇私為之約自比於不期而遇

者直簡其禮耳簡畧慢易無國君之禮則莫適主矣故志內之遇者三而皆以及若曰以此及彼然也志外之遇者四而皆以爵若曰以尊及卑然也故凡書遇者皆惡其無人君相見之禮也

宋公陳侯蔡

人衛人伐鄭

春秋誅首惡與是役者首謀在衛而以宋主兵可也鄭有弑逆聲罪赴討雖先發而

後聞可也宋獨不恤衛有殺君之難欲定州吁而從其邪說是肆人欲滅天理非人之所為也故以宋公為首諸國為從示誅亂臣討賊子必先治其黨與之法也此義行為惡者孤矣故曰春秋成而亂臣賊子懼

秋

翬帥師會宋公陳侯蔡人衛人伐鄭

宋公乞師公辭而弗許義也翬以不

義強其君固請而行之無君之心兆矣隱公不能辨之於早罷其兵權使之帥師也是以及鍾巫之禍春秋於此去其公子以謹履霜之戒夫春秋立義至精詞極簡嚴若曰韋帥師會伐鄭豈不白乎再序四國何其詞費也言之重詞之複其中必有大美惡焉四國合黨羣伐會師同伐無罪之邦欲定弑君之賊惡之極也言之不足而再言聖人之情見九月衛人殺州吁于濮伐鄭稱而誅討亂臣之法嚴矣也殺州吁稱人衆詞也公羊子稱人為討賊之詞是矣于濮者著諸侯之罪也衛人失賊而曰著諸侯之罪何也州吁二月弑君緣四國連兵欲定其位故衛人久然後能殺之于濮非諸侯之罪而何夫以討賊許衆人以失賊罪鄰國與賊者寡矣故曰春秋成賊子懼冬十有二月衛人立晉人衆辭立者不宜立也內不承國於先君上不稟命於天子衆謂宜立而遂自立焉可乎故於衛人特書曰立所以著擅

晉書卷三十三
置其君之罪於晉絕其公子所以明專
有其國之非而父子君臣之義明矣

皇王大紀卷三十三

欽定四庫全書

皇王大紀卷三十四

宋 胡宏 撰

三王紀

桓王

二年冬魯侯將如棠觀魚公子彊諫曰凡物不足以講大事其材不足以備器用則君不舉焉君將納民於軌物者也故講事以度軌量謂之軌取材以彰物采謂之物不軌不物謂之亂政亂政亟行所以敗也故春蒐夏

苗秋獮冬狩皆於農隙以講事也三年而治兵入而振旅歸而飲至以數軍實昭文章明貴賤辨等列順少長習威儀也鳥獸之肉不登於俎皮革齒牙骨角毛羽不登於器則公不射古之制也若夫山林川澤之實器用之資皂隸之事官司之守非君所及也公曰吾將略地焉遂往陳魚而觀之彊稱疾不從亦孝公子也二月衛葬其君桓公四月衛人以燕師伐鄭鄭三大夫以三軍軍其前二公子潛軍軍其後燕人畏鄭三軍而不虞制

人六月二公子以制人敗燕師于北制曲沃鯁攻翼晉
侯邲奔隨是為鄂侯鯁既得晉不受王命王使虢公伐
之復奔曲沃晉人立鄂侯之子光衛之亂也邲人侵衛
至是衛師入邲魯考仲子之宮將萬馬公問羽數於衆
仲對曰天子用八諸侯六大夫四士二夫舞所以節八
音而行八風也故自八以下公從之始用六佾宋人取
邲田邲人告於鄭曰請君釋憾於宋敝邑為道鄭人會
之伐宋入其郛以報東門之役宋公使告於魯魯侯聞

其入郛也將救之問於使者曰師何及對曰未及國公怒乃止辭使者曰君命寡人同恤社稷之難今問諸使者曰師未及國非寡人之所敢知也冬十月辛巳魯公子彊卒公曰叔父有憾於寡人寡人弗敢忘葬之加一等是為臧僖伯宋人伐鄭圍長葛以報入郛之役秦世子卒謚為靖公經曰五年春公觀魚于棠

諸侯非王事則不出非民

事則不出特書觀魚以見隱公慢棄國政遠事逸遊也夫不納僖伯之忠言亦已矣又從而為之辭是縱欲而不能自克之以禮也

夏四月葬衛桓公

魯往會故書聖人存而弗削者

弑逆之賊討矣程氏曰正終大事也必於正寢而不沒
於婦人之手豈苟然乎死而加之不正之謚知忠孝者
不忍為也衛本侯爵何以稱公見臣子不請於王而私
自謚爾春秋於邦君薨正以王法至於莫則從其私謚
前以貶不臣順之諸侯後以罪不忠孝之臣子
詞顯而義微皆所以道人欲存天理大居正也
秋衛師
入郕
稱師者紀其用衆而立義不同有矜其盛而稱師者如齊師宋師曹師城邢之類是也有著其暴而稱師者楚滅陳蔡公子棄疾主兵而曰楚師之類是也有惡其無名不義而稱師者次于郎以俟陳蔡及齊圍郕之類是也衛宣繼州吁不施德政毒衆臨戎入人之國書著其暴也
九月考仲子之宮
初獻六羽
考者始成而祀也惠公欲以愛妾為夫人隱公欲以庶弟為嫡子聖人以為諸侯不再娶於禮無二適故因其來賁考宮而正名之曰仲子生稱號姓氏沒稱號謚姓者夫人也存沒皆單稱姓字者妾

也凡宮廟非志災失禮則不書羽以象文德干以象武功總而稱之則為侑婦人無武事故獨奏文樂初獻六羽者明前此用八之僭也魯用天子禮樂是成王過賜而伯禽受之非也以祀周公已為非禮其後羣公皆僭用焉末流季氏八佾舞於庭而三家者以雍徹聖人因事而書所以正天下之大典也邾人鄭人

伐宋

主兵者邾也故雖附庸小國而序乎鄭之上然衛州吁主兵伐鄭而聖人以宋為首者此春秋撥亂

之大螟虫食苗心曰螟食葉曰螣食節曰賊食根曰蠹法也螟國以民為本民以食為天螟記災也聖人以是為國之大事也近世王安石乃稱為人牧者不冬十有必論奏災傷之事甚矣其不講於聖人之經也

二月辛巳公子彊卒

以公羊三世考之則所傳聞之世也而書日見恩禮之厚矣以僖伯

之忠葬之加一等夫是之謂稱然不聽其言與邾公善善不能用一也其及宜矣

宋人伐鄭圍

長葛國之至於經年而不解誅亂臣討賊子可也長葛鄭邑何罪乎書圍於此而書取於後宋人之惡彰矣

三年甲子春鄭伯使人輸平于魯三月辛酉魯侯會齊侯盟于艾始平也五月庚申鄭伯侵陳大獲往歲鄭伯請成于陳陳侯不許五父諫曰親仁善鄰國之寶也君其許鄭陳侯曰宋衛實難鄭何能為遂不許君子曰善不可失惡不可長陳侯長惡不悛徒自及也周任有言曰為國家者見惡如農夫之務去草焉艾夷蘊崇之絕

其本根勿使能殖則善者信矣秋宋人取長葛冬王使告饑于魯魯為王請糴於宋衛齊鄭鄭伯來朝王不禮焉周公黑肩曰我周之東晉鄭焉依善鄭以勸來者猶懼不旣況不禮焉鄭不來矣弗聽王國風八篇曰采葛三章章三句懼讒也彼采葛兮一日不見如三月兮葛

以為歸綏喻臣以小事使出

彼采蕭兮一日不見如三秋兮蕭所以共祭祀

彼采艾兮一日不見如三歲兮艾所以療疾王國風九篇曰

大車三章章四句刺周大夫也禮義陵遲男女淫奔故

陳古以刺今大夫不能聽男女之訟焉大車檻檻毳衣

如蒺

大車大夫之車檻檻車行聲也毳衣天子大夫出封五命如子男之服毳冕蒺色青者

豈不

爾思畏子不敢大車嘒嘒毳衣如瑀

嘒嘒重遲之貌瑀順也

豈不

爾思畏子不奔穀則異室死則同穴謂予不信有如皦

日

穀生皦白也生則形異死則神合

經曰六年春鄭人來輸平

輸納也平成也

鄭人納成于魯以利相結解怨釋仇離宋魯之黨也故特稱輸平以明有國者正其義不謀其利杜亡國敗家

之本

夏五月辛酉公會齊侯盟於艾秋七月

四德備而後為乾四

時具而後成歲故春秋雖無事首時過則書見天人

冬

宋人取長葛

宋人恃強久役取非所有王朝不討列國不治鄭人土地天子所命先祖所受不能

保有而失之也是上無天王下無方伯而鄭亦無君也致穆公屬國之意殤公乃忌馮而伐鄭春秋序宋主兵以殤公之罪重也明年鄭人報宋序邾為首以鄭伯之罪輕也又肆行暴虐不善之積已著其見弑豈一朝一夕之故哉凡此類直書于策按其行事而善惡之應可攷矣

四年春正月魯紀伯姬之行也其娣叔姬幼至是始歸於紀滕侯薨夏魯城中丘齊侯使公子年聘於魯結艾之盟也宋及鄭平秋七月庚申盟於宿魯侯聞之伐邾以說於宋初戎朝于周發幣於公卿凡伯弗賓王使凡

伯聘于魯還至衛楚丘戎伐凡伯執之以歸陳及鄭平
鄭公子忽在王所故陳侯請妻之鄭伯許之曲沃鰥卒
是為莊伯子稱代秦伯薨謚曰文公嫡孫寧公立經曰

七年春王三月叔姬歸于紀

叔姬伯姬之娣非夫人也則何以書古者諸侯一娶

凡女必格之同時者所以定名分室亂源也今叔姬待
年於宗國不與嫡俱行則非禮之常所以書也眉山蘇
轍以謂書叔姬賢之也賢
而得書亦春秋之法也
滕侯卒
卒自外錄不卒非外
也葬自內錄不葬非
內也滕侯宿男之類書卒不
音葬者怠於禮弱其君者也
夏城中丘
程氏曰為民立
君所以養之也
養民之道在愛其力民力足則生養遂教化行風俗美
故為政以民力為重也春秋凡用民必書其所興作不

時害義固為罪矣。雖時且義亦書見勞民為重事也。人君而知此義則知慎重於用民力矣。凡書城者完舊也。書築者創始也。城中丘使齊侯使其弟年來聘。兄弟先民不以時非人君之心也。不稱公子貶也。鄭語書盟黑背書帥師而稱兄弟者罪其有寵愛之私。陳光奔楚盜殺衛絜秦鍼宋辰書奔書歸而稱兄弟者責其薄友恭之義。年者齊僖公母弟也。僖公私其同母寵愛異於他弟。施及其子猶與嫡等至襄公繼之遂成篡殺之禍。故聖人特變文書弟以示貶焉。仁人於兄弟絕偏係之私篤友恭之義人倫正而天理存其春秋以訓天。秋公伐邾。魯為宋討非義之甚而下與來世之意也。稱伐邾傳所謂欲加之罪者也。而不知渝蔑之。冬天王使凡伯來聘戎伐凡伯盟不待貶而自見矣。于楚丘以歸。一人而曰伐見其以徒眾也。楚丘衛地以歸易詞也。于楚丘者罪衛不救王臣之患。

以歸者罪凡伯失節不能死於位也周之秩官猷國賓至闕尹以告侯人為導司徒具徒司寇詰姦佃人積薪火師監燎其貴國之賓至則以班加一等益虔至於王使則皆官正蒞事今凡伯承王命以為過賓於衛而我得伐之以歸是蔑先王之官而無君父也為狄所滅則有由矣

五年齊侯將平宋衛於鄭有會期宋公請衛侯先相見衛侯與宋公遇于大丘鄭伯先請于魯以泰山之祊易許田魯人許之正月使宛歸祊魯人受之四月甲辰鄭公子忽如陳逆婦媯辛亥以媯氏歸甲寅入于鄭陳鍼子送女先配而後祖鍼子曰是不為夫婦誣其祖矣何

以能育蔡侯薨子封人嗣齊人卒平宋衛于鄭秋會於
溫盟於瓦屋以釋東門之役八月丙戌鄭伯以齊人朝
王魯侯莒人盟於浮來以成紀好冬十月魯大夫公子
展之孫無駭卒請謚與族公問於衆仲對曰天子建德
於諸侯因生以賜姓胙之土而命之氏諸侯於大夫使
因其王父字謚為族官有世功則有官族邑亦如之公
命以字為展氏齊侯使告成三國于魯公使衆仲對曰
君釋三國之圖以鳩其民君之惠也寡君聞命矣敢不

承受君之明德經曰八年春宋公衛侯遇于垂三月鄭

伯使宛來歸枋庚寅我入枋

輸平之時以言請之矣至是來入地也周制六年五

服一朝成王以周公有大勲勞故特賜之許田為朝宿之地又六年王乃時巡諸侯各朝于方岳宣王以鄭伯母弟懿親故特賜之枋田為湯沐之邑枋近于魯許鄭於鄭各以其近者相易用是見鄭有無君之心而謂天王不復能巡狩矣用是見鄭有無親之心而敢與人以先祖所受之邑矣其言我入枋者枋非我有也入者不順之

詞

夏六月己亥蔡侯考父卒辛亥宿男卒

周制諸侯薨赴不以

名仲尼革之必以名書示君臣尊卑之等蓋禮之中也

秋七月庚午宋公齊侯衛

侯盟于瓦屋

參盟書曰謹其始也程氏曰宋為主盟與鄭絕也大道隱而家天下然後有詰誓忠

信薄而人心疑然後有詛盟盟詛煩而約剗亂然後有交質于春秋革薄從厚謹參盟善胥命美蕭魚之會盖有志于天下為公之世

八月葬蔡宣公九月辛卯公及

莒人盟于浮來

隱公屈于乘之尊下與小國之大夫盟亦太卑而可踰矣故特言及以識失禮

且明非大夫之罪也

螟冬十有二月無駭卒

諸侯之子為大夫則稱公子其孫也而為

大夫則稱公孫公孫之子與異姓之臣未賜族而身為大夫則稱名已賜族而使之世為大夫則稱族古者置卿必求賢德不以世官春秋之初猶為近古故無駭與俠皆書名爾其後官人以世無不賜之族或以字或以謚或以官或以邑而先王之禮亡矣至於三家專魯六卿分晉諸侯失國出奔者相繼觀春秋所書而是非之迹著治亂之效明矣

六年王使大夫南季聘于魯春正月癸酉魯雷電霖雨
庚辰大雨雪凡雨自三日以往為霖平地尺為大雪秦
徙都眉之平陽魯大夫挾卒夏魯城郎宋公不王鄭伯
以王命討之使告于魯魯侯會齊侯于防以謀伐宋北
戎侵鄭鄭伯禦之曰彼徙我車懼其侵軼我也公子突
曰使勇而無剛者嘗寇而速去之君為三覆以待之戎
輕而不整貪而無親勝不相讓敗不相救先者見獲必
務進進而遇覆必速奔後者不救則無繼矣乃可以逞

從之大敗戎師經曰九年春天王使南季來聘

古者諸侯於天

子朝聘有制天子於諸侯亦有時聘以結好隱公即位九年未嘗朝聘於天子貶爵削地可也經書公如京師者一朝於王所者二卿大夫如京師者五舉魯一國則天下諸侯怠慢不臣可知矣書天王來聘者七錫命者三賄葬者四則問於他邦及齊晉秦楚之大國又可知矣然後征伐自諸侯出然後政事自大夫出然後陪臣執國命夷狄制諸夏矣其原皆自天王失威福之柄也春秋於此蓋有不得已焉爾矣

三月癸酉

大雨震電庚辰大雨雪

震電者陽精之發雨雪者陰氣之凝此三月正月也雷未可以

出電未可以見而大雨震電此陽失節也雷已出電已見則雪不當復降而大雨雪此陰氣縱也公子翬之讒兆矣鍾巫之難萌矣春秋災異必書雖不言其事應而事應具存惟明於天人相感之際響應之理則見聖人所

書之挾卒夏城郎

城者禦暴保民之所城不可踰制役意矣

然後為之可也失其時制妄興大作無愛養斯民之意者其罪之輕重見矣

秋七月冬公會

齊侯于防

周制有時會以發四方之禁此謂非時而合諸侯以禁止天下之不義也列國何為此

名凡書會皆識也謂非王事相會聚爾曰鄭伯為宋公不王討也何以謂之非王事乎天下不聽征伐之禁於王都始則私會中則私盟終敗人而奪其邑奉王命討不庭者果如是乎蓋矯假以逞私忿爾經之書會書伐而不異其文以此

七年冬十有二月齊侯魯侯鄭伯會于中丘盟于鄧為

師期二月公子翬先會齊侯鄭伯伐宋四月戊申魯侯

會齊侯鄭伯于老桃壬戌魯侯敗宋師于管庚午鄭師入郕以郕歸于魯庚辰入防以防歸于魯蔡人衛人郕人不會伐宋五月鄭師入郊猶在郊宋人衛人入鄭乃召蔡人入戴蔡人怒師不和鄭伯圍戴克之取三師焉七月戊寅鄭伯入宋八月壬午齊人鄭人入郕討違王命也經曰十年春王二月公會齊侯鄭伯于中丘夏翬帥師會齊人鄭人伐宋

聲不氏先期也夫亂臣賊子積其強惡非一朝一夕之故故去

其公子以戒兵柄下移制之於未亂也

六月壬戌公敗宋師于管辛未取

郕辛巳取昉

內大惡其詞婉諸侯分邑非其有而取之盜也曷不隱乎若成公取郕襄公取郕昭

公取郕皆覆人之邦而絕其祀亦書曰取故此直書而不隱也

秋宋人衛人入鄭宋人

蔡人衛人伐戴鄭伯伐取之

鄭莊公以奇取勝然則可乎孟子曰善戰者服上刑

稱伐取者其以鄭莊公當此刑矣

冬十月壬午齊人鄭人入郕

程氏謂宋本以

公子馮在鄭故二國交惡春秋不見其為王討也若討違王命則不書入矣入者不順之詞也苟以為難詞則齊鄭大國於討何難哉

八年滕侯薛侯朝於魯爭長薛侯曰我先封滕侯曰我

周之卜正也薛庶姓也我不可以後之公使請於薛侯

曰周諺有之曰山有木工則度之賓有禮主則擇之周之宗盟異姓為後寡人若朝于薛不敢與諸任齒乃長滕侯魯侯會鄭伯于時來以謀伐許五月齊侯魯侯鄭伯伐許瑕叔盈以蝥狐登周麾而呼曰君登矣鄭師畢登遂入許許男奔衛齊侯以許讓公公曰君謂許不共故從君討之許既伏其罪矣雖君有命寡人弗敢與聞乃與鄭人鄭伯使許大夫百里奉許叔以居許東偏曰天禍許國鬼神實不逞于許君而假手於我寡人寡人

唯是一二父兄不能共億其敢以許自為功乎寡人有弟不能和協而使餬其口於四方其況能久有許乎吾子其奉許叔以撫柔此民也吾將使獲也佐吾子若寡人得沒於地天其以禮悔禍於許無寧茲許公復奉其社稷唯我鄭國之有請謁焉如舊婚媾其能降以相從也無滋他族實偏處此以與我鄭國爭此土也吾子孫其覆亡之不暇而況能裡祀許乎寡人之使吾子處此不唯許國之為亦聊以固吾圉也乃使公孫獲處許西

偏曰凡而器用財賄無寘於許我死乃亟去之吾先君
新邑於此王室而既卑矣周之子孫日失其序夫許大
岳之脗也天而既厭周德矣吾其能與許爭乎君子謂
鄭莊公於是乎有禮禮經國家定社稷序人民利後嗣
者也許無刑而伐之服而舍之度德而處之量力而行
之相時而動無累後人可謂知禮矣王取鄆劉蕞邢之
田于鄭而與鄭人蘇忿生之田溫原緄樊隰郕櫟茅向
盟州陘隤懷君子是以知桓王之失鄭也怒而行之德

之則也禮之經也已弗能有而以與人人之不至不亦
宜乎鄭息有違言息侯伐鄭鄭伯與戰于竟息師大敗
而還夫不度德不量力不親親不徵辭不察有罪犯五
不韙而以伐人君子是以知息之將亡也八月鄭伯以
號師伐宋壬戌大敗宋師以報其入鄭也魯公子翬請
殺公子允將以求太宰魯侯曰為其少故也吾將授之
矣使營菟裘吾將老焉翬懼反諧公于公子而請弑之
公有事於鍾巫齊于社園館于寫氏九月壬辰翬使賊

弑之是為隱公公子允即位而討寯氏有死者經曰十

有一年春滕侯薛侯來朝

周東遷之後列國放恣無禮義之交惟強弱之視凡來聘

來朝一切書不削皆所以示譏滕薛二君不特言者又譏旅見也非天子不旅見諸侯惺然受之而不辭亦以

見隱公之志荒矣

夏公會鄭伯于時來秋七月壬午公及齊侯

鄭伯入許

前書會則伐許者本鄭志也此書及則入許者公所欲也公即位十有一年不朝京師不

奔王喪擅興甲兵取邑易地今又入人之國而逐其君凡此五不韙者人臣之大惡而隱公兼有之然則不善

之殃豈特始於惠成於桓不可不察也

冬十有一月壬辰公薨

隱公見弑魯史舊文

必以實書其曰公薨者仲尼親筆也不書弑示臣子於君父有隱避其惡之禮不書地示臣子於君父有不沒

其實之忠不書葬示臣子於君父有討賊復讐之義非
聖人莫能修謂此類也夫賊不討讐不復而不書葬則
服不除寢苦枕戈無時而終事也以此法
討罪至嚴矣故曰春秋成而亂臣賊子懼

九年魯侯弑君得位脩好于鄭鄭人請卒易祔田魯侯
許之正月會鄭伯于垂以祔田之薄於許田也加璧焉

二月丁未魯侯及鄭伯盟于越魯大水經曰元年

元年即位

之始年也自是累數雖久而不易此前古記事之例春
秋祖述為編年法及漢文惑方士之言改後元年始亂
古制孝武又因事別建年號歷代因之夫歷世無窮而
美名有盡豈記久明遠可行之法也必欲傳久當以春
秋為正
春王正月公即位
桓公與聞乎故而書即位著其
弑立之罪深絕之也美惡不嫌

同詞惠公元妃無適嗣隱公繼室之子於次居長禮當
嗣世桓庶弟也隱欲讓而桓弑之春秋所以備書始終
討賊之義以示王法
正人倫存天理也
三月公會鄭伯于垂鄭伯以璧假

許田

許田所以易祊也鄭既歸祊又加璧者祊薄於許
故也以此易彼各利於國乃有無君親之心焉聖

人以此是為國之大惡也故隱其詞而謂之假夫易則已
矣言假則有歸之道又以見許人改過遷善之意其垂
訓之義大矣春秋惡易許田孟子極陳夏四月丁未公
利國之害皆拔本塞源杜篡弑之漸也

及鄭伯盟于越

垂之會鄭人欲得許田以自廣也故稱
會越之盟桓公欲結鄭好以自安也故

稱及夫弑逆之人孟子所謂不待教命人得而誅之者
也而鄭與之盟以定其位是肆人欲滅天理變中國為
戎夷化人類為禽獸聖人所謂懼春秋
所以作也無俟於貶絕而惡自見也
秋大水
大水者陰逆而

與怨氣并之所致也桓
行逆德而致陰沴宜矣
冬十月

十年宋公立十一年十一戰民不堪命孔父嘉為司馬
華督為太宰督將弑君因民不堪命先宣言曰司馬則
然攻殺孔父遂弑宋公謚曰殤召公子馮于鄭而立之
以親鄭以郕大鼎賂魯侯齊陳鄭皆有賂魯侯將納于
太廟臧哀伯諫曰君人者昭德塞違猶懼或失之故昭
令德以示子孫是以清廟茅屋大路越席大羹不致采
食不鑿昭其儉也衮冕黻珽帶裳幅舄衡紃紃紃昭其

度也藻率鞞鞞厲游纓昭其數也火龍黼黻昭其文也五色比象昭其物也錫鸞和鈴昭其聲也三辰旂旗昭其明也以臨照百官於是乎戒懼而不敢易紀律今滅德立違而寘其賂器於太廟以明示百官百官象之其又何誅焉國家之敗由官邪也官之失德寵賂章也邵鼎在廟章孰甚焉武王克商遷九鼎于維維邑義士猶或非之而況將昭違亂之賂器於太廟其若之何周內史聞之曰臧孫達其有後於魯乎君違不忘諫之以德

公不聽遂與齊侯陳侯鄭伯會於稷立華氏使相宋公

夏五月紀侯朝於魯齊故也荆熊通浸強大稍侵漢沔

之北蔡侯鄭伯會於鄧始懼楚也秋七月魯人入杞魯

侯及戎盟於唐以脩舊好晉侯侵陘庭之田陘庭南鄙

啟曲沃伐翼經曰二年春王正月戊申宋督弑其君與

夷元年書春王正月以天道王法正桓公之罪也二年書春王正月以天道王法正宋督之罪也程氏曰弑

逆者不以王法正之天理滅矣督雖無王而天理未嘗

亡也穀梁子以二年書王正與夷之卒是也以為諸侯

之卒天子所隱痛故

及其大夫孔父

孔父佐瑤公無能改於其德非所謂

格君心之非者然督之所憚於是先攻殺孔父而後敢弑其君能為有無亦庶幾焉是故著其節而書及不失其官而書大夫也凡亂臣賊子畜無君之心者必先翦其所忌而後動於惡不能翦其所忌則有終其身而不

敢動也故劉安欲叛漢而憚汲直曹操欲擅位而憚孔融不有君子其能國乎春秋賢孔父示後世人主崇獎節義之臣乃天下之

滕子來朝

滕侯爵降而稱子終春秋之世何也春秋為誅

亂臣討賊子而作者也夫亂臣賊子人人莫與則無以立於世而莫敢動於惡矣故討亂賊之法尤嚴於其黨滕侯先鄰國而朝桓是黨之也與四夷何異四夷雖大皆曰子狄之也使其後嗣有能討亂賊盖前人之愆則聖人必復

三月公會齊侯陳侯鄭伯于稷以成宋亂

春秋

其爵矣
於列會獨此與襄公末年會于澶淵特書其所為者以桓弑隱督弑瑒般弑景一則受宋賂而立華氏一則謀

宋災而不致討故特書以見意焉然澶淵之會既不書魯卿又貶諸國之大夫此則書公又序諸侯之爵何也必深諱重貶然後見也稷之會前書督弑後取宋鼎曰威宋亂書諸侯夏四月取郕大鼎于宋戊申納太廟則其責明矣

取者

得非其有之稱納者不受而強致之謂弑逆之賊不能討而受其賂器寘於大廟以明示百官是教之為亂臣賊子也公子牙慶父仲遂意如之惡又何誅焉聖人為此懼而作春秋故直載其事謹書其日垂訓後世使臣戒秋七月杞侯來朝公穀程氏皆以杞為紀紀侯朝弑也紀紀侯求魯為援非蔡侯鄭伯會于鄧楚自周東遷號為桓立而朝之也此三國者地與之鄰是以懼也其後卒滅鄧虜蔡侯而鄭以王室懿親為之服後聖人蓋傷之也夫天下莫大

於理莫強於信義循天理悖信義荆楚雖大何懼焉若
事醜德齊則以地之大小力之強弱分勝負矣觀諸侯
會盟離合之迹而夷夏盛衰由可考也觀春秋進退
與奪抑揚之旨則知安中夏待四夷之道矣九月

入杞公及我盟於唐冬公至自唐

君行反而告至常事
爾何以書或誌其去

國喻時之久也或錄其會盟侵伐之危也或著其黨惡
附姦之罪也桓公弑君而立當列於中國諸侯之會而
不書至同惡也今與戎盟而書至者危
之也程氏所謂居夷浮海之意是也

十一年冬十一月曲沃稱伐翼次于陘庭莊伯之弟韓

萬御戎梁弘為右敗晉侯于汾隰晉侯驂絰而止夜獲

之是為哀侯及欒共叔稱使謂共叔曰毋死吾以子為

上卿制晉國之政共叔對曰人非父不生非君食不長
非師教不知故一事之惟其所在則致死焉從君而貳
君焉用之遂死晉人立哀侯之子魯侯會齊侯于嬴請
婚齊侯許之齊侯衛侯胥命于蒲不盟也杞侯求成于
魯魯侯會之于郕夏五月辰朔日有食之既魯侯使公
子輦逆夫人于齊齊侯送姜氏至于謹魯侯會之以姜
氏歸先王之制諸侯嫁女于敵國姊妹則上卿送之公
子則下卿送之於大國雖公子亦上卿送之于天子則

諸卿皆行公不自送於小國則上大夫送之齊公子年

聘于魯致夫人也魯有年經曰三年春正月

桓公三年而後不書

王者十有四年何也桓公弑君而立王朝司馬不施殘執之刑鄰國之大夫不聞有沐浴之請魯之臣子反面事讐曾莫之恥使亂臣賊子肆其凶逆無所忌憚人之大倫滅矣故不書以見桓公無王與天王之失政而不也王公會齊侯于贏夏齊侯衛侯胥命于蒲

公羊曰胥命者相命也相

命近正也是時也人愛其情私相疑貳以成傾危之俗有能相命而信諭豈不獨為近正乎故特起胥命之文於此有取焉聖人以信易食答子貢之問君子以信易生重桓王之失信去則民不立矣故荀卿言春秋善胥命

六月公會杞侯于郕秋七月壬辰朔日有食之既

穀梁

曰既盡也言日言朔食正朔也言朔不言日食既朔也
言日不言朔食晦日也不言日不言朔夜食也何以知
其夜食曰王者朝日日始出而有虧傷之處也日者衆
陽之宗人君之象而有食之既則其為變大矣先儒以
為荆楚僭號鄭公子翬如齊逆女娶妻必親迎禮之正
拒王師之應公子翬如齊逆女也若夫邦君以爵則
有尊卑以國則有大小以道途則有遠過或迎之於其
國或迎之於境上或迎之於所館禮之節也紀侯於魯
以小大言則親之者也而使公子翬往是不重大婚之禮失其
言則親之者也而使公子翬往是不重大婚之禮失其
節矣九月齊侯送姜氏于謹公會齊侯于謹夫人姜氏
故書九月齊侯送姜氏于謹公會齊侯于謹夫人姜氏
至自齊魯侯既不親迎為齊侯來乃逆而會于謹是公
之行其重在齊侯而不在姜氏豈禮也哉不言
以至者既得見乎公也不能防閑於是乎在禮者所以
別嫌明微制治于未亂不可不謹也娶夫人國之大事

故冬齊侯使其弟年來聘有年

舊史災異與慶祥並記故有年大有年得見于

經然十二公多歷年所有務農重穀閔雨而書雨者豈無豐年而不見於是仲尼削之矣獨桓有年宣大有年則存而弗削者緣此二公獲罪於天宜得水旱凶災之譴今乃有年則是反常也故以為異特存耳然則天道亦借乎桓宣享國十有八年獨此二年書有年他年之歎可知也而天理不差信矣此一事也在史則為慶祥在經則為變異是聖人因魯史舊文能立興王之新法也故史文如畫筆經文如畫工自先儒說經者多列此于慶瑞之門至程氏發明與旨然後以為記異此得於言意之表者也

皇王大紀卷三十四

欽定四庫全書

皇王大紀卷三十五

宋 胡宏 撰

三王紀

桓王

十二年冬十有一月魯侯狩于郎王使冢宰渠伯糾聘于魯侯秦師侵芮敗焉小之也芮伯萬之母芮姜惡芮伯之多寵人也逐之出居于魏冬王師秦師圍魏執芮伯以歸魏芮皆姬姓魏地南枕河北涉汾水西迫于秦

東阨于晉魏國風首篇曰葛屨二章一章六句一章五句
刺褊也魏地陘隘其民機巧趨利其君儉嗇褊急而無
德以將之糾糾葛屨可以履霜摻摻女手可以縫裳要
之褊之好人服之好人提提宛然左辟佩其象揅維是
褊心是以為刺魏國風二篇曰汾沮洳三章章六句刺
儉也其君儉以能勤刺不得禮也彼汾沮洳也漸洳也言采
其莫也菜也彼其之子美無度美無度殊異乎公路彼汾一
方言采其桑彼其之子美如英萬人為英美如英殊異乎公

行彼汾一曲言采其蕢彼其之子美如玉美如玉殊異
乎公族魏國風三篇曰園有桃二章章十二句刺時也
大夫憂其君國小而迫而儉以嗇不能用其民而無德
教日以侵削故作是詩也園有桃其實之殽心之憂矣
我歌且謠不知我者謂我士也驕彼人是哉子曰何其
心之憂矣其誰知之其誰知之蓋亦勿思園有棘棗也其
實之食心之憂矣聊以行國不知我者謂我士也罔極
彼人是哉子曰何其心之憂矣其誰知之其誰知之蓋

亦勿思魏國風四篇曰陟岵三章章六句孝子行役思

念父母也國迫而數侵削役乎大國父母兄弟離散而

作是詩也陟彼岵兮

山無草木曰岵

瞻望父兮父曰嗟予子行

役夙夜無已上慎旃哉

上謂去服事也

猶來無止

父尚義也

陟彼屺

兮

山有草木曰屺

瞻望母兮母曰嗟予季行役夙夜無寐上慎

旃哉猶來無弃

母尚思也

陟彼岡兮瞻望兄兮兄曰嗟予弟

行役夙夜必偕

俱也

上慎旃哉猶來無死

兄尚親也

魏國風五

篇曰十畝之間二章章三句刺時也言其國削小民無

所居焉十畝之間兮桑者閑閑兮

男女往來無別之貌

行與子還

兮

去來相遇

十畝之外兮桑者泄泄兮

人多貌

行與子逝兮

行相

逮

魏國風六篇曰伐檀三章章九句刺貪也在位貪鄙

無功而受祿君子不得仕進爾坎坎伐檀兮

坎坎伐木聲

寘

之河之干兮

寘置也干厓也

河水清且漣漪

風行水成文曰漣伐檀以待世用若

佚河水清且漣

不稼不穡胡取禾三百廛兮

一夫之居曰廛

不狩不獵

胡瞻爾庭有縣貆兮

貆獸名

彼君子兮不素餐兮

素空也

坎

坎伐輻兮寘之河之側兮河水清且直猗

直直波也

不稼不

穡

種之曰稼
故之曰穡

胡取禾三百億兮

萬萬
曰億

不狩不獵胡瞻爾

庭有縣特兮

獸三歲
曰特

彼君子兮不素食兮坎坎伐輪兮

寘之河之漘兮

漘亦
厓也

河水清且淪猗

小風成
文曰淪

不稼不穡

胡取禾三百困兮不狩不獵胡瞻爾庭有縣鶉兮彼君

子兮不素飧兮

熟食
曰飧

魏國風終七篇曰碩鼠三章章八

句刺重斂也國人刺其君重斂蠶食於民不修其政貪

而畏人若大鼠也碩鼠碩鼠無食我黍三歲貫女

貫事
也

莫我肯顧逝將去女適彼樂土樂土樂土爰得我所碩

鼠碩鼠無食我麥三歲貫女莫我肯德逝將去女適彼

樂國樂國樂國爰得我直

得其直道

碩鼠碩鼠無食我苗三

歲貫女莫我肯勞逝將去女適彼樂郊樂郊樂郊誰之

永號

號呼永歌也

經曰四年春正月公狩于郎

何以書譏遠也戎祀國之

大事狩所以講大事也不時則傷農不地則害物可不謹乎以非其地而必書是春秋謹於微之意也每謹於微然後王

夏天王使宰渠伯糾來聘

宰冢宰也渠氏伯爵糾其名也名之

何也操刑賞之柄以御下者王也論刑賞之法以詔王者宰也承命以聘弑君之賊故書名以見其非宰也然桓公沒紫叔來錫命何以書字而不名也始而來聘冢宰書名以見貶終而追錫王不稱天以示譏其義備矣

宰咺獨稱官糾兼稱爵何也如咺者豈初得政猶未受封而糾則或以諸侯入相或既相而封者乎漢初命相必擇列侯為之後用公孫因相而得封蓋欲倣古重其任也任之重則責益深矣嫡妾之分君臣之義天下之大倫無所輕重糾以既封故**不書秋冬**四時具然後成兼稱爵見春秋責相之意也**不書秋冬**歲故雖無事必書首時今此獨於秋冬闕焉何也立天之道曰陰曰陽居春夏以養育為事所以生物也陰居秋冬以肅殺為事所以成物也王者賞以春夏刑以秋冬象天道也桓弑隱公而立大司馬九伐之法雖未之舉猶有望也及使冢宰下聘恩禮加焉則天下之望絕矣故宰糾書名而去秋冬二時以見天王之不復能用刑也

十三年甲戌冬十有一月己丑陳侯鮑薨謚曰桓公公弟佗殺太子免而代之陳國風六篇曰墓門二章章六

句刺陳佗也陳佗無良師傅以至於不義惡加於萬民
焉墓門有棘斧以斯之夫也不良國人知之知而不已
誰昔然矣墓門有梅有鴉萃止夫也不良歌以訊之訊
予不顧顛倒思予齊侯鄭伯朝于紀欲以襲之紀人知
之王使仍叔之子聘于魯陳葬其君桓公魯城祝丘王
奪鄭伯政鄭伯不朝王以諸侯伐鄭鄭伯禦之王為中
軍號公林父將右軍蔡人衛人屬焉周公黑肩將左軍
陳人屬焉鄭子元請為左拒以當蔡衛為右拒以當陳

人曰陳亂民莫有鬪心若先犯之必奔王卒顧之必亂
蔡衛不支固將先奔既而卒於王卒可以集事從之曼
伯為右拒祭仲足為左拒原繁高渠彌以中軍奉公為
魚麗之陳先偏後伍伍承彌縫戰于緇葛命二拒曰旂
動而鼓蔡衛陳皆奔王卒亂鄭師合以攻之王卒大敗
祝聃射王中肩王亦能軍聃請從之公曰君子不欲多
上人況敢陵天子乎苟自救也社稷無隕多矣夜鄭伯
使祭足勞王且問左右王國風六篇曰兔爰三章章七

句閔周也桓王失信諸侯背叛構怨連禍王師傷敗君

子不樂其生焉有兔爰爰

緩意

雉離于羅我生之初尚無

為我生之後逢此百罹

憂也

尚寐無吽

動也

有兔爰爰雉離

于暵

覆中也

我生之初尚無造我生之後逢此百憂尚寐

無覺有兔爰爰雉離于暵

覆也

我生之初尚無庸我生之

後逢此百凶尚寐無聰鄭國風七篇曰遵大路二章章

四句思君子也莊公失道君子去之國人思望焉遵大

路兮摯執子之祛兮無我惡兮不寔故也

摯擊也

遵大

路兮摻執子之手兮無我覲兮不寔好也

覲奔也

鄭國風

八篇曰女曰鷄鳴三章章六句刺不說德也陳古義以
刺今不說德而好色也女曰鷄鳴士曰昧旦子興視夜
明星有爛將翱將翔弋鳬與鴈弋言加之與子宜之宜
言飲酒與子偕老琴瑟在御莫不靜好知子之來之雜
佩以贈之知子之順之雜佩以問之知子之好之雜佩
以報之衛國風八篇曰伯兮四章章四句刺時也言君
子行役為王前驅過時而不反焉伯兮竭兮

竭武勇貌

邦之

桀兮

桀特立也

伯也執殳

長丈二而無刃

為王前驅自伯之東首如

飛蓬豈無膏沐誰適為容其雨其雨杲杲出日願言思

伯甘心首疾焉得諼草

令人忘憂

言樹之背

背北堂也

願言思伯

使我心痾衛國風九篇曰有狐三章章四句刺時也衛

之男女失時喪其妃耦焉古者國有凶荒則殺禮而多

昏會男女之無夫家者所以育人民也有狐綏綏

匹行貌

在彼淇梁

石絕水曰梁

心之憂矣之子無裳有狐綏綏在彼

淇厲

厲深可厲之旁

心之憂矣之子無帶有狐綏綏在彼淇側

心之憂矣之子無服初衛侯烝於夷姜生伋子屬諸右
公子為之娶於齊而美公納之邶國風之十八篇新臺
三章章四句刺衛宣公也納伋之妻作新臺于河上而
要之國人惡之而作是詩也新臺有泚河水瀰瀰燕婉
之求蘧蔕不鮮不能俯者新臺有洒河水浼浼燕婉之求蘧
蔕不殄魚網之設鴻則離之燕婉之求得此戚施不能仰者
秋魯大雩凡祀啟蟄而郊龍見而雩始殺而嘗閉蟄而
烝魯有螽州公如曹度其國危遂不復經曰五年春正

月甲戌己丑陳侯鮑卒夏齊侯鄭伯如紀

此外相如國史承告而書

聖人存而弗削者以小國恃大國之安靖已而乃包藏禍心以圖之也所以著齊人滅紀之罪明紀侯去國之

由天王使仍叔之子來聘

卿大夫天下之公選也周衰小

賢者老身於草門圭實公道不行然後兵亂侵陵國家傾覆春秋書武氏仍叔之子云者戒後世人主徇大臣私意而用其子弟之弱者居公選之地以敗亂其國家欲其深省之也

葬陳桓公城祝丘

秋蔡人衛人陳人從王伐鄭

魯桓弑君而自立宋督弑君而得政天下大惡人理

所不容也則遣使聘焉而莫之討鄭伯不朝貶其爵可也乃憤怒自將以攻之非天討也故不稱天若移此師以加宋魯誰曰非天討乎既譏天王以端本矣三國以兵會伐則言從王者又以明君臣之義也君行而臣從

正也戰于繡葛而不書戰王卒大敗而不書敗者又以
存天下之大防也三綱軍政之本聖人寓軍政於春秋
而書法若此者皆裁自**大雩**也諸侯雩于境內山川爾
聖心非國史所能與也
魯侯而郊禘大雩欲悉書於策則有不勝書故雩祭因
早以書而特謂之大郊禘亦因事以書而義自見此皆
國史所不能與而君子以謂性命之文是也諸侯不得
祭天地大夫不得祭山川士庶人不敢以他人祖禘祭
於已之寢禮也明乎春秋之義則**蝻冬州公如曹**天子
知聖人治國如指諸掌之說矣
稱公王者之後稱公州公諸侯而稱公者昔卑高以父
師而釐東土衛武以列國而入相于周蓋與後世出入
均勞之意同此其所以稱公也外相如
不書此何以書將有其來故先錄其本

十四年冬十有一月州公自曹朝于魯荆熊通侵隨使

遂章求成焉軍於瑕以待之隨人使少師董成鬬伯比
言於楚子曰吾不得志於漢東也我則使然我張吾三
軍而被吾甲兵以武臨之彼則懼而協以謀我故難間
也漢東之國隨為大隨張必棄小國小國離楚之利也
少師侈請羸師以張之熊率且比曰季梁在何益鬬伯
比曰以為後圖少師得其君王毀軍而納少師少師歸
請追楚師隨侯將許之季梁止之曰天方授楚楚之羸
其誘我也君何急焉臣聞小之能敵大也小道大淫所

謂道忠於民而信於神也上思利民忠也祝史正辭信也今民餒而君逞欲祝史矯舉以祭臣不知其可也公曰吾牲牷肥腍粢盛豐備何則不信對曰夫民神之主也是以聖王先成民而後致力於神故奉牲以告曰博碩肥腍謂民力之普存也謂其畜之碩大蕃滋也謂其不疾癘蠱也謂其備腍咸有也奉盛以告曰潔粢豐盛謂其三時不害而民和平年豐也奉酒醴以告曰嘉粟旨酒謂其上下皆有嘉德而無違心也所謂馨香無譏

慝也故務其三時脩其五教親其九族以致其禋祀於
是乎民和而神降之福故動則有成今民各有心而鬼
神乏主君雖獨豐其何福之有君姑脩政而親兄弟之
國庶免於難隨侯懼而脩政楚不敢伐齊侯欲滅紀紀
侯求魯為主春二月魯侯會之于郕北戎伐齊齊侯
使乞師于鄭鄭太子忽帥師救齊六月大敗戎師獲其
二帥大良少良甲首三百以獻於齊於是諸侯之大夫
咸齊齊人饋之餼使魯為其班後鄭忽以其有功也

怒故有郎之師魯侯之未昏於齊也齊侯欲以文姜妻
忽忽辭人問其故太子曰人各有耦齊大非吾耦也詩
云自求多福在我而已大國何為君子曰善自為謀及
其敗戎師也齊侯又請妻之固辭人問其故太子曰無
事於齊吾猶不敢今以君命奔齊之急而受室以歸是
以師昏也民其謂我何遂辭諸鄭伯六月壬午魯大閱
以簡車馬陳公子躍蔡出也蔡人殺佗而立之秋七月
丁卯魯夫人生子以太子生之禮舉之接以太牢卜士

負之士妻食之公與文姜宗婦命之公問名於申繻對
曰名有五有信有義以類命為象取於物為假取於父
為類不以官不以山川不以隱疾不以畜牲不以器幣
周人以諱事神名終將諱之故以國則廢名以官則廢
職以山川則廢主以畜牲則廢祀以器幣則廢禮晉以
僖侯廢司徒宋以武公廢司空先君獻武廢二山是以
大物不可以命公曰是其生也與吾同物命之曰同紀
侯朝于魯謀請王命以求成于齊魯侯告之以不能經

曰六年春正月寔來

寔者州公名也書曰寔來不復其國也春秋之法諸侯不生名失地

滅同姓則名正名經世之本名正而天下定矣或曰孟子以諸侯失國託於諸侯禮也今州公書名以匹夫畜之可乎曰世衰道微諸侯其有環地褊小迫乎強暴而失國是不幸焉非其罪也則以諸侯之禮接之可也若譚子在莒弦子在黃溫子在衛雖失國出奔而春秋不名義可見矣若夫或棄賢保佞或驕奢法縱或用兵暴亂自底滅亡如蔡獻舞邾益曹陽州寔之徒待之以初乃禮之過也觀春秋所書則知所以處寓公之禮與強為善自暴棄者之勸戒矣

夏四月公會紀侯于郕秋八月壬午大閱

書八月不時也書大閱非禮也先王寓軍政於四時之田訓民禦暴其備豫也懼鄭忽畏齊人不因田狩而閱兵車厲農失政甚矣春秋非持以不時非禮蔡人殺陳書也乃天未陰雨徹彼桑土綢繆牖戶之意

蔡人殺陳

佗

佗殺太子而代其位至是踰年不成之為君者以賊討也書蔡人以善蔡書陳佗以善陳善蔡者以蔡人

知佗之為賊善陳者以陳國不以佗為君知其為賊故稱人稱人討賊之詞也不以為君故稱名稱名當討之賊也魯桓救君而鄭伯與之盟宋督殺君而四君納其賂則不知其為賊矣齊商人殺君者及其見殺則稱位蔡般弑父者及其見殺則稱爵是齊蔡國人皆以為君矣聖人於此抑揚予奪道人欲於橫流存天理於既滅見諸行事可謂深

九月丁卯子同生

適冢始生即書于策與子之法也唐

虞禪夏后殷周繼春秋無帝王之道賢可禪則以天下為公而不拘於世及之禮子可繼則以天下為家而不必於讓國之義萬世之通道也與賢者貴於得人與子者定於立嫡經書子同生所以明與子之法正國家之本防後世配嫡奪正之事垂訓之義大矣此世子也其不曰世子何也天下無生而貴者誓於天子然後為世

子冬紀侯來朝

主者成敗之機榮辱之本也魯桓哉君之賊人人之所同惡夫人得而討之者

也而紀侯主之以求援其能國乎然則何以得免於貶志不在於朝桓也

十五年冬十二月乙亥魯焚咸丘穀伯鄧侯朝于魯盟
向求成于鄭既而背之鄭人齊人衛人伐盟向王遷盟
向之民于郟曲沃伯入翼殺其君小子侯王使虢仲伐
之稱復歸曲沃虢仲立哀侯弟緡唐國風八篇曰鴛羽
三章章七句刺時也昭公之後大亂五世君子下從征
役不得養其父母而作是詩也肅肅鴛羽集于苞栩王

事靡鹽

靡不攻
緻也

不能藝稷黍父母何怙悠悠蒼天曷其

有所肅肅鵠翼集于苞棘王事靡盬不能藝黍稷父母

何食悠悠蒼天曷其有極肅肅鵠行集于苞桑王事靡

盬不能藝稻粱父母何嘗悠悠蒼天曷其有常經曰七

年春二月己亥焚咸丘

易稱王用三驅禮天子不合圍
夫子鈞而不網皆愛物之意也

焚咸丘所謂焚
林而田者也

夏穀伯綏來朝鄧侯吾離來朝

穀伯綏
侯何以

生名桓天下之大惡也執之者無禁殺之者無罪穀伯
鄧侯越國踰境相繼而朝之即大惡之黨也故特貶而
書名與失地滅同姓者比焉經於朝桓者或貶爵或書
名或稱人以誅絕其黨撥亂之法嚴矣誅止其身而黨

之者無罪則人之類不相賊殺為禽獸也幾希矣

不書秋冬

田常弑其君孔子請討之以從大夫

之後不敢不告也桓執隱公而立雖方伯連帥環視而未之恤猶有望也及穀鄧二國自遠來朝則天下諸侯莫有可望者矣故七年穀伯鄧侯各書其名而去秋冬二時以見諸侯之不復能脩其職也然則見之行事不亦深切著明矣乎故曰春秋成而亂臣賊子懼

十六年冬十一月己卯魯烝王使家父聘于魯春三月

丁巳魯再烝隨少師有寵楚鬬伯比曰可矣讎有釁不

可失也夏楚子合諸侯于沈鹿黃隨不會使遠章讓黃

楚子伐隨軍於漢淮之間季梁請下之弗許而後戰所

以怒我而怠寇也少師謂隨侯曰必速戰不然將失楚師隨侯禦之望楚師季梁曰楚人上左君必左無與王遇且攻其右右無良馬必敗偏敗衆乃攜矣少師曰不當王非敵也弗從戰于速杞隨師敗績隨侯逸鬬丹獲其戎車與其戎右少師秋隨及楚平楚子將不許鬬伯比曰天去其疾矣隨未可克也乃盟而還楚闢地東至睢上魯伐邾秋八月雨雪王使蔡公言于魯以取女遂逆后于紀秦寧公魯姬生武公德公寧公薨庶長弗忌

威壘三父舍世子兄弟不立而立其庶出子經曰八年春

正月己卯烝

烝以中冬時也何以書為再烝見潰也

天王使家父來聘

家父

何以無貶乃同則書重之義虞史以人主大臣為一體春秋以天王宰相為一心故來聘桓公則宰相書名以正其始錫桓公命王不稱天以正其終而榮叔家父之捷不與也故人主之職在論相而止矣

夏五月

丁丑烝

春秋之文有一句而包數義者戎伐凡伯于楚丘以歸之類是也有再書而一貶者春正月己

卯烝夏五月秋伐邾冬十月雨雪祭公來遂逆王后于

紀

劉敞曰祭公王之三公也曷為不稱使不與王之使祭公也師傅之官坐而論道其任重矣今其來魯乃

命魯侯以婚姻之事者也若是則大夫可矣何必三公任之重使之輕故祭公緣此義得專命不報遂行如紀

而王以輕使為失祭公以逆行為罪矣此說是也官師從單靖公逆王后于齊劉夏非卿而書靖公合理則不書故先儒以為宜使卿逆公監之禮也

十七年冬紀季姜歸于京師巴子使告于楚請與鄧為好楚子使道朔將巴客聘于鄧鄧南鄙鄧人奪之幣殺道朔及巴行人楚讓於鄧鄧人弗受夏楚鬪廉及邑師圍鄧鄧養甥聃甥救鄧三逐巴師不克鬪廉衡陳于巴師之中以戰而北鄧人逐之背巴師而夾攻之鄧師大敗鄧人宵潰秋號仲為伯荀侯賈伯伐曲沃曹伯終生

使其世子射姑朝于魯終生叔振鐸七世孫也魯侯饗之樂奏而嘆施父曰曹太子其有憂乎非嘆所也經曰

九年春紀季姜歸于京師

自逆者而言則當尊崇其匹內主六宮之政使妃妾不得

上僭故從天王所命而稱王后示天下之母儀也自歸者而言則當膠屈速下使夫人嫡婦皆得進御於君而無嫉妬之心故從父母所子而稱季姜化天下以婦道也詞之抑揚各有所當皆正始之道王化之基也夏

四月初七月冬曹伯使其世子射姑來朝

周制世子攝其君者謂朝

於天子有時雖老疾者亦不敢後故使世子攝已事以見天子急迷職也諸侯間於王事則相朝其禮本無時曹伯既有疾何急於朝桓而使世子攝哉君疾而儲副出政姦邪窺伺之心危道也世子將欲已乎則方命矣

曰孝子盡道以事其親者也不盡道而苟焉以從命為孝又焉得為孝

十八年曹伯薨射姑嗣三月曹葬其君桓公虢仲譖其大夫詹父於王詹父有辭以王師伐虢夏虢公出奔虞秦人納芮伯萬于芮魯侯衛侯期于桃丘衛侯弗至初虞叔有玉虞公求旃弗獻既而悔之曰周諺有之匹夫無罪懷璧其罪吾焉用此其以賈害也乃獻之又求其寶劍叔曰是無厭也無厭將及我遂伐虞公公奔共池鄭伯以忽怒故請師於齊以伐魯冬十月丙午齊侯以

師助之魯侯與戰于郎邶國風八篇曰雄雉四章章四

句刺衛宣公也淫亂不恤國事軍旅數起大夫久役男

女怨曠國人患之而作是詩也雄雉于飛泄泄其羽興也

雄雉見雌雉飛而鼓其翼泄泄然我之懷矣自詒伊阻詒遺伊維阻難也雄雉

于飛下上其音展矣君子實勞我心展誠也瞻彼日月悠

悠我思瞻視也道之云遠曷云能來百爾君子不知德行

不忮不求何用不臧邶國風九篇曰匏有苦葉四章章

四句刺衛宣公也公與夫人並為淫亂匏有苦葉濟有

深涉

興也乾謂之頤頤之葉苦不可食也濟度也由膝以上為涉

深則厲淺則揭

以

涉水為厲謂由帶以上也揭褰衣也遭時制宜如遇水深則厲淺則揭矣男女之際安可以無禮義將無以自

濟也有溺濟盈有鷺雉鳴

溺深水也盈滿也深水人之所難也鷺雉鳴聲也衛夫人有淫

佚之意授人以色假人以辭不顧禮義之難使宣公有淫昏之行

濟盈不濡軌雉鳴求

其牡

濡清也由輪以上為軌違禮義不由其道猶雉鳴而求其牡矣飛曰雄走曰牡牡

雝雝鳴

鴈旭日始旦

難雖鴈聲和也納採用鴈旭日始出謂大昕之時

士如歸妻迨冰

未泮

迨及泮散也

招招舟子人涉卬否

招招號召之貌舟子舟人主濟渡者卬我

也人涉卬否卬須我友

人皆涉我友未至我獨待之而不涉以言室家之道非得所適

貞女不行非得邶國風十七篇曰靜女三章章四句刺

時也衛君無道夫人無德靜女其姝俟我於城隅靜貞

也德貞靜而有法度乃可說也姝美色也俟待也城隅以言高而不可踰愛而不見搔首踟

躕言志仕靜女其變貽我彤管

既有美德又有美色又能遺我以古人之法可

以配人君也古者后夫人必有女史彤管之法史不記過其罪殺之后妃羣妾以禮御於君所女史書其日月授之以環以進退之生子月辰則以金環退之當御者以銀環進之著于左手既御著于右手事無大小記以

成彤管有煒說懌女美煒赤貌彤管以赤心正人也自牧歸荑洵美

且異

牧田官也荑牙之始生也匪女之為美美人之貽

非為其徒說美色而已
美其人能遺我法則

衛侯納伋子之妻生壽及朔屬

壽於左公子姜氏與朔構伋子公使諸齊使盜待諸莘

將殺之壽子告之使行不可曰棄父之命烏用子矣有

無父之國則可也及行飲以酒壽子載其旌以先盜殺

之伋子至曰我之求也此何罪又殺之邶國風十九篇

二子乘舟思伋壽也衛宣公之二子爭相為死國人傷

而思之作是詩也二子乘舟汎汎其景

二子伋壽也朔與母愬伋於公

公令伋之齊使賊先待於隘壽知之以告伋使去伋曰君命不可逃國人傷其涉危遂往如乘舟而無所薄汎

汎然迅疾而不凝也

願言思子中心養養

願每也養養然憂不知所定

二子乘

舟汎汎其逝

往也

願言思子不瑕有害

言二子之不遠害

邶國風

十篇曰谷風六章章八句刺夫婦失道也衛人化其上

淫於新昏而棄其舊室夫婦離絕國俗傷敗焉習習谷

風以陰以雨

興也習習和舒貌東風謂之谷風陰陽和而谷風至夫婦和則室家成室家成而繼

嗣生黽勉同心不宜有怒

言黽勉者思與君子同志也

采芣采菲無以

下體

葑苢也菲芣也下體根莖也

德音莫違及爾同死行道遲遲中

心有違

遲遲舒行貌違離也

不遠伊爾薄送我畿

門內也

誰謂荼苦

其甘如薺

茶苦菜也

宴爾新昏如兄如弟

宴安也

涇以渭濁湜

湜其沚

涇渭相入而清濁異

宴爾新昏不我屑以

屑潔也

毋逝我梁

毋發我笱

逝之也梁魚梁笱所以捕魚也

我躬不閱遑恤我後

閱容也

就

其深矣方之舟之就其淺矣泳之游之

舟船也

何有何亡

黽勉求之

有謂富也亡謂貧也

凡民有喪匍匐救之不我能慙反

以我為讐

慙養也

既阻我德費用不售

阻難也

昔育恐育鞠

及爾顛覆

育長鞠窮也

既生既育比予于毒我有旨蓄亦以

御冬

旨美御樂也

宴爾新昏以我御窮有洸有潰既詒我肄

洗洗武也清清
怒也肄勞也

不念昔者伊予來墜

墜息也

衛國風四篇

曰氓六章章十句刺時也宣公之時禮義消亡淫風大

行男女無別遂相奔誘華落色衰復相棄背或乃困而

自悔喪其妃耦故序其事以風焉美反正刺淫佚也氓

之蚩蚩抱布貿絲

氓民也蚩蚩敦厚之貌布幣也

匪來貿絲來即我謀

送子涉淇至于頓丘

丘一城為頓丘

匪我愆期子無良媒

愆過也

將子無怒秋以為期

將願也

乘彼坵垣以望復關

坵毀也復關君

子所近也

不見復關泣涕漣漣

言其有一心乎君子故能自悔

既見復關載

笑載言爾卜爾筮體無咎言

龜曰卜著曰筮體兆卦之體

以爾車來

以我賄遷

賄財遷徙也

桑之未落其葉沃若于嗟鳩兮無食

桑甚于嗟女兮無與士耽

桑女功之所起沃若猶沃沃然鳩鵲鵲也食桑甚過則醉

而傷其性耽樂也女與士耽則傷禮義

士之耽兮猶可說也女之耽兮不

可說也桑之落矣其黃而隕自我徂爾三歲食貧淇水

湯湯漸車帷裳

隕墜也湯湯水盛貌帷裳婦人之車也

女也不與士貳其

行

與差也

士也罔極二三其德

極中也

三歲為婦靡室勞矣

夙興夜寐靡有朝矣言既遂矣至于暴矣兄弟不知咥

其笑矣

然笑

靜言思之躬自悼矣

悼傷也

及爾偕老老使

我怨淇則有岸隰則有津

津坡也

總角之宴言笑宴宴信

誓旦旦

總角結髮也晏晏和柔也信誓旦旦然

不思其反反是不思亦已

焉哉經曰十年春王正月

桓無王今復書王何也十者盈數也天道十年則亦周矣

人事十年則亦變矣故易稱守貞者十年而必反傳論遠惡者十年而必棄桓公至是其數已盈宜見誅於天人矣十年書王紀常理也有習於故梁子而不得傳者見二年書王以為正終生之卒誤矣果正諸侯之卒不緣遽附益之以為正終生之卒誤矣果正諸侯之卒不緣篡弑者陳侯鮑在五年之正月蜀不書王以正其卒乎

庚申曹伯終生卒夏五月葬曹桓公秋公會衛侯于桃

丘弗過

弗者違詞忌失信也衛初約魯會于桃丘至足中變而從齊鄭於是乎有郎之師其戰于郎直

書曰來盟于惡曹俱奪其爵則桃丘之弗過也盖忌衛侯之失信矣桃丘衛地冬十有二月丙

午齊侯衛侯鄭伯來戰于郎

春秋加兵于魯衆矣未有書來戰此獨不稱侵伐而

以來戰為文何也兵凶器戰危事聖人所重也誅暴禁亂敵加於已盖有不得已而應者矣未有悖道縱欲得已不已而先之者也魯桓弑立天下大忌人人之所得討也鄭伯則首盟于越以定其位齊侯則繼會于稷以濟其姦曾不能脩方伯之職駐師境上聲罪致討仲天下之大義也今特以私忿小怨親帥其師戰于魯境尚為知類也哉此春秋之所必誅而不以聽也故以三國為主而書來戰于郎鄭人主兵而首齊猶州吁主兵而

宋先

皇王大紀卷三十五